

清  
百  
家  
絶  
句

亮

津田文庫  
文庫 1  
1656





早稻田大学  
圖書館藏書

序

罪

乃仁文庫

二三從遊輯傳及絕句  
亦似余擲其卷戲曰吐辯  
後當示為安之取裁子等  
枉費精力耳一決而後嘆曰  
吾輩開口輒曰宋其

書目家絕句

010190602090



新自撰其不能... 舞西公  
貧口少兒猶去日... 前真而  
不及蘇杭船高... 似書家凡藝  
予皆取自高... 安美眼自任安  
不手蓋修則... 易... 則...  
教之詩六... 字... 稿... 練... 之

1656-

似也遂不... 一閱畧... 冊其  
標蓋以与... 人

文化乙亥... 冬山陽... 外史

賴襄乞



書百家色回...



例

一選清詩者匪尠，聚就彼方，一書抄錄，故或止康熙或畫乾隆，僅見一斑耳。今頗蒐諸總集別集，取其七言斷句畧具列四朝詩人，非敢曰全豹，然明亡以還詩體蔚變，庶幾一覽可窺焉。

一我輩僻鄉寒生素乏收貯，舶來諸集多聞其名而未得見，即一瓿乞人亦吝不肯示，自知多遺漏，後來當隨所見聞續而補之。

一寡陋之所採，其與他撰必有復冗，然此便於寡陋者，耳大方博雅何須此，遠豕之誚。



固所辭

一雖大家未見其集者畧焉雖非大家見其集者  
詳焉詳畧之際頗多不倫觀者恕察之  
一卷分為三上卷首列順康諸大家其餘大抵得  
篇什多者收之上卷否者置次卷終卷如汪鈍  
翁在前而其父元御在後黎士宏閩酒曲本做  
周櫟園閩茶曲而黎在上卷周在次卷皆然如  
李笠翁品流不可列大家亦以下得其詩多置之  
上卷凡順治至乾隆其間人物互見錯出年代  
先後不必次第

一各人名下注字號爵里未知其詳者闕如詩話  
隨筆中所見或但呼其號不舉姓名者一仍其  
舊體例齟齬出不得已又乾隆初年人其官後  
貴者難盡詳悉今且從本書所舉而止要取其  
詩非傳其人也

一采於沈氏別裁集者遺臺閣邊塞之體收於袁  
氏詩話者畧香奩竹枝之類皆避其所偏而取  
其中也至他諸集亦做此意既輯采就賴先  
生取其簡裁先生淘汰十存二三精華畢呈  
然原本猶有遺珠是我輩不圖象身



一吳梅村讀史偶述蓋悼崇禎帝書署題如此避  
 忌諱也他類此者頗多在我國何所畏避則不  
 妨改署姑仍其舊觀者自會之  
 一集中或載明遺老皆守節不仕者置之清人間  
 其憮然於地下可知今仍原本而名下勲注  
 之先生平生教人以節義為先雖瑣小冊  
 不敢忽也  
 一乾隆三家獨取蔣葦園而不及袁倉山趙雲松  
 他日見兩家全集當收之續編

清百家絕句目錄

卷上

錢牧齋	吳樸邨	王漁洋	朱嘯坡	宋荔裳
施愚山	程喜慶	汪鈍翁	查慎行	李秋錦
馮鈍吟	黃莘田	沉德潛	蔣心餘	黃唐堂
鄭板橋	李笠翁	楊中知	吳錫華	黎士宏
汪玉涼	王澤弘	呂半隱	東蔭商	宋珏
杜茶邨	劉體仁	郁亦弔	周櫟園	陳廷敬
陳老蓮	彭孫適	張玉書	劉獻廷	陳確菴
陸宗澁	陸元泓	吳綺	蔣以寧	鄭靜菴



葉舒璐	許廷鏢	沉紹姬	儲雄文	顧埏	汪繹	史申義	龐鳴	趙執信	張寔	陳恭尹
張篤慶	錢良擇	吳之振	林章	劉孔和	徐永宣	魚角揚	洪昇	陸叢桂	彭禹峰	潘高
程尊一	蔣錫震	李心恒	計默	徐夜	王棨	申涵光	陳其年	張拙叟	李基和	葉燮
安期	徐燕	張秋受	湯準	吳雯	嚴繩孫	徐緘	祁文友	陸次雲	高紫霞	黃始
	張崇	王國炳	蔣廷鑑	汪天與	陸鞞	鄂爾泰	趙俞	楊水心	成德	

卷下

葉元超	顧鴻志	曹仁甫	王鳴盛	徐薊坡	杭世駿	盛錦	姜寶節	周天藻	沈著
夏復森	高景先	李繩	吳泰來	世大椿	劉潢	汪俊	方聲燾	馬長海	舒瞻
王陸禔	廖景文	姜宸熙	黃文蓮	諸廷槐	顧其泰	朱受齋	高江村	張光啟	阮吾山
鄭起	蔣龍光	蔡忠立	趙文哲	王其諤	施鎮如	柯其偉	朱瑄	傅慶	尤怡
許惟枚	王箴輿	王廷魁	錢大昕	王元勳	范雲鵬	沉用濟	姚瑩		



崔從	邵辰煥	唐湘昀	李琴夫
王端揆	方蒙章	張少華	張藥高
王安崑	陳元奎	郭希聲	李植
王慧	畢著	吳絹	龐晚
黃媛介	張學典	張凌仙	彭氏
陳珮	方京	吳葵	毛惠
超一子	黃淋	胡慎	方氏
陶姬	徐裕	陳長生	成鷺
性休	元環	元環	止鷺

補遺目錄

袁隨園 趙甌北 厲樊榭 王穀原

錢禕石	吳錫麒	李繩	張夢階
顧鴻志	高景光	廖景	
吳槎	張舩	陳碧	



清百家絕句卷上

賴山陽先生閱

吳興村賴襄士錦

後藤機世張輯

長門小川戩士毅

錢謙益

字受之號牧齋一號蒙叟常熟人官禮部尚書

郭河陽溪山行旅圖為芥城館丈題

層崖鐵樹閣江關破墨沈沙尺幅間記得承平有嘉  
話玉臺深處看春山

金壇逢水榭故妓感歎而作





黃閣青樓盡可哀，啼妝墮髻尚高低。  
垂簾欺鳥爪，麻姑少曾見滄桑。前度未

顧與治書房，留余小像自題。

峻嶒瘦頰隱橙，看况復攲衣骨相寒。  
拍示傍人，渾不識為他，還着古衣冠。

褪粉蛛絲網，綸巾每煩攪拂。拭煤塵，  
凌烟褒鄂知無分。留與書堆伴古人。

題朱玉郎畫扇

斷月拋雲去，不還舊圖小扇。落人間，  
淚記得前塵事。愁絕雙蛾倚遠山。

帝丘舟中戲為張五穉昭題扇。穉昭少年未娶，不肯席帽北遊。故詩及之。

使面風涼柳市知，春心顧影問腰肢。  
綠沉漆管餘蛾綠，漫與東家畫十眉。

紅袖青衫匝，時鶯擅苑燕差池。人中張五看誰是，玉樹臨風只一枝。

題鄒臣席畫扇

大纛吹笛度秦關，解子仙遊又不還。  
破墨烟巒餘黯淡，夕陽粉本在虞山。

題京口避風館詩為淮南李少

請百家色初卷七



吹浪江豚向晚多夕陽酤酒聽魚歌長年共拍檣竿  
笑少許鯨魚口裡過

三畧風輪蕩不旋避風小築倚江天知君突兀千間  
屋未是經營斷并年

丙申春就醫秦淮寓丁家水閣決兩月臨行作  
苑外楊花待暮潮隔溪桃葉限紅橋夕陽凝望春如  
水丁字簾前是六朝

秦淮水亭逢舊校書賦贈女道士淨華

旗亭官柳鎖朱扉官燭膏殘別我歸今日逢君重記  
取橫波光在舊羅衣

棋罷歌殘抱影眠冰床雪被舊因緣如今老去翻惆  
悵重對殘釭說往年

戊戌新秋日吳翼之持孟陽畫扇索題為賦

畫裏僧衣接水紋菰烟蘆雨白紛紛看他皴染無多  
子只帶西灣幾片雲

題僧卷

雪被冰床雲水隈死生關斷不曾開暮然豆子爐中  
爆笑撥星星一點灰

吳偉業字駿公號梅村太倉人官國子祭酒

觀棋

清百家色句卷上



深院無人看劇棋，三郎勝負玉環知。康猶亂局君王笑，一道哥舒布算遲。

贈楚雲

楚雲故姓陸雲門人

宣公橋畔響輕車，二月相逢約玩花。烏桕着霜還繫馬，停鞭重問泰娘家。

月夜分携幾度圓，語溪芳草隔雲烟。那知閭闔千條柳，拋撇東風又一年。

贈妓郎圓

輕靴窄袖柘枝裝，舞罷斜身倚玉床。認得是儂偏問姓，笑儂花底喚諸郎。

送王玄照還山

王善書畫弁州先生曾孫偶來京師

朔風歸思滿蕭關，筆墨荒寒點染間。何似大癡三丈卷，萬松殘雪富春山。

五馬南來韋使君，故人相見共論文。酒闌面乞黃堂俸，明日西山買白雲。

題石田畫芭蕉

一葉芳心任卷舒，客愁鄉夢待何如。平生狂用藤溪紙，綠玉窗前好寫書。

戲贈

梅根冶後一庭幽，桃葉歌中兩槩留。管是夜深嬌不



起隔簾小婢換梳頭

香銷寶鴨月如霜欲罷檮蒲故拙行倦倚局邊佯數

子暗擡星眼擲兒郎

讀史偶述

宣鑪殿內香燒禁府圖書洞府蕭故國滿前君莫

問淒涼酒盞鬪成窩

龍文小印大如錢別署齋名自記年画就烟雲填寶

篆欲將金粉護山川

題畫美人

霸越亡吳計已行論功何物賞傾城西施亦有弓藏

懼不獨鴟夷變姓名西施

千夫辟易楚重瞳仁謹居然百戰中博得美人心肯

死項王此處是英雄虞姬

題寒香勁節圖壽表重其節母八十

東籬漉酒泛芳樽處士傳家湛母恩傲盡霜花長不

落揮龍風雨夜生孫

題思翁做趙香筆

余山雲接并山遙苔雪扁舟景色饒羨殺當時兩文

敏一般殘墨畫金焦

偶成

青石家色句卷上



關河蕭索暮雲酣，流落鄉心太不堪。書劍尚存君且住，世間何物是江南。

題董君畫扇

過江書索扇頭詩，階得遺香起夢思。金鎖澀來衣墨損，空箱願記自開時。

王士禛

字貽上一字阮亭，號漁洋，新城人，官刑部尚書。

江上

吳頭楚尾路如何，烟雨秋深暗白波。晚趁寒潮渡江去，滿林黃葉雁聲多。

夜雨題寒山寺寄西樵禮吉。

日暮東塘正落潮，孤蓬泊處雨瀟瀟。疎鐘夜火寒山寺，記過吳楓第幾橋。

冶春絕句

東風花事到江城，早有人家喚賣錫。他日相思忘不得，平山堂下五清明。

海棠一樹淡胭脂，開時不讓錦城姿。花前痛飲情難盡，歸卧屏山看折枝。

灞橋寄內

太華終南萬里遙，西來無處不魂銷。閨中若問金錢卜，秋雨秋風過灞橋。



馬嵬懷古

巴山夜雨歸秦金粟堆邊草亦春一種傾城好顏色茂陵終傍李夫人

謝愚山寄敬亭茶著書墨

珍重宣州綠雪芽釵頭玉茗花須誇晚涼夢到雙溪路宿火殘鐘索鬪茶  
分來劍脊伴雲腴橫理庚庚玉不如更乞宣城諸葛筆晴窗小試硬黃書

悼亡詩

小閣垂簾日掃除壚薰茶具宛精廬紅囊揀得釵頭茗手淪清泉伴著書

雪白花紅繡襦齊頻年噴面祝中閨牙牙學語今何似忍聽嬌兒索母啼

題蘇臺楊柳枝詞後

江鈍翁編脩首唱吳越和者數百人

雁齒紅橋鴨嘴船麴塵風起艷陽天明湖憶得吟秋柳慘綠當年最少年

予賦此詩順治丁酉海內和者亦數百家

供奉某君歸吳門索詩

歸釣吳淞四十鱸手炊楓葉飯彫胡卻思待詔蓬萊上細寫淋池斫鱸圖

廣州竹枝



鬢雲盤髻簇宮鴉，一線紅潮枕畔斜。夜半髮香人夢醒，銀絲開編素馨花。

題沉客子林屋幽居圖

玉堂酒渴夢江南，林屋東西路舊諳。煩汝封題三百顆，夜來霜信到黃柑。

渙洋山下是吾家，山北山南半種茶。留得織山方竹杖，待君風雪探梅花。  
栖霞紫峰閣前有方竹一叢，予取以作杖。

題朱竹垞檢討雪景小照

風急天山雪打圍，下韉鷹疾掠空飛。誰知驢背江南客，手拗寒香插帽飛。

朱彝尊

字錫鬯，號竹垞，秀水人，官翰林檢討。

題高侍讀江村圖

菊磧踈寮舊跡存，畫圖髣髴見江村。雙橋儘許通舟楫，他日秋陰來叩門。

杜甫南鄰有朱老，吾將徙宅問東家。水邊沙際間田澗，添種鴨桮千樹花。

鴛鴦湖櫂歌

榆錢陣陣麥纖纖，野菜花黃健易黏。記取郎船溪水曲，平蕪一點甌山尖。

酒市茶寮總看場，金風亭子入春涼。俊游改作烏篷

請百家絕句卷二



小蔡十郎橋低不妨

魚梁沙淺鷺爭淘處處村田響  
耕耨一夜城西苔水下酒船直並小樓高

題畫竹

疎筠个个倚風輕忽憶鄉園  
宿雨晴三畝宅西桐樹北此時新筍又應生

題蔡脩撰早朝圖

遮莫皤皤畫鼓頻披帷風定燭如銀  
繡整只許狸奴卧辛苦妝臺攏髻人

題王翬畫

帝城日日足風霾眯眼黃塵漲六街  
對此溪山最清絕便思衝雨蹋樓鞵

送禹鴻臚之洞庭

謫官擬就洞庭居此意沈吟六載餘  
君去西峰先相宅小樓容架滿船書

為王祭酒題畫冊

寒江窠石早梅舒此地仙居也不知  
但恐瀑泉侵案溼小窓催徙讀殘書

題況上舍洞庭移居圖

橘田薑棧散租符西舍東隣興不孤  
他日相逢王廢



墨也磬生絹索橫圖

寄陸侍御

主恩先後逐臣還羨爾幽棲  
泖一灣想得著書風幔底  
桂花如霰落秋山

嶺外歸舟雜詩

黃木灣西廟鼓過春潮漾漾  
沒蒲芽翻嫌二月歸程  
早一路攀枝未作花

枕外潮雞報二更  
朧朧月低暗潮生  
客心最喜舟師健  
貪趁朝霞半日晴

飛來寺脚束江濤  
徑入雙林磴轉高  
怪道褰簾蝴蝶

至軍持新插紫山桃

曲江門外趁新墟  
采石英州畫不如  
買得六峰懷袖裏  
携歸好伴玉蟾蜍

李秀才墨竹

小閣爐香洗硯初  
數竿墨竹最清疎  
前身定是梅花衲  
仍占春波橋外居

水口

岸澗灘平漾白沙  
船人出險鼓停槳  
為貪放溜風頭坐  
不覺蜻蜓上槳牙

題家廣文端鄧尉尋梅圖



村村花底開，壺餐莫笑先生首。着盤桃李漫山都，不戀冷香合讓冷官看。

題緡國夫人下馬圖

當風帶緩舞衣寬，無復宮門驟曉鞍。事差羸杜陵，叟畫圖恣得近前看。

宋琬 字玉叔，號荔裳，萊陽人，官四川按察使。

銀刀魚

銀花爛漫委筠篁，錦帶吳鉤總擅長。千載專諸留俠骨，至今七箸尚飛霜。

筆管煙

雕蟲小技舊知名，食邑由来號管城。曾與江郎書恨賦，莫將刀筆博公卿。

舟中見獵犬有感

秋水蘆花一片明，難同鷹隼共功名。檣邊飽飯垂頭睡，也似英雄髀肉生。

行樂詞

三間笠澤魚鱗屋，雙槳松江鴨嘴船。長大從我釣秋水，大兒捩舵小兒牽。

江南曲

菡萏池塘隔畫橋，月明樓上美人簫。十年不到傷心處，



地夢逐長江來往潮

渡黃河

半世行藏敢問天，身如百丈往來牽。  
傍人代我思前事，曾共驪龍夜夜眠。

施閏章

字尚白，號愚山，宣城人，官翰林侍講。

荷湖館

隔林煙火幾人家，古廟江頭噪晚鴉。  
欲問芰荷香寂寞，一川新漲白蘋花。

宿松隱菴

寒山曲徑石嶙峋，落盡桃花暮雨頻。  
昔別重來三十

載松雲匝地苦留人

江干僧舍見櫟園題有深竹留人細雨中之句

率爾有懷

深篁烟雨客重過，好句留題奈若何。  
欲寄數行相問訊，白蘋風起亂愁多。

西湖竹枝

女兒二八妬花枝，柳作腰支月作眉。  
蠶眠櫟老不成繭，滿腹含絲却待誰。

荷葉橫塘官路斜，吳姬日出浣春紗。  
兒家種蓮取蓮子，囑付遊人莫采花。



程嘉燧

字孟陽江南休寧布衣與錢牧齋友謚之日松圓

曲中聽黃問琴歌

輕染鴉黃拂髻髮鶯雛巧笑鬪雙鸞不知水調聲能  
苦覺損橫波一寸山

憶金陵雜題畫扇

秋陰殢客思騰騰木末荒臺盡日登誰信到家翻遠  
憶雨齋含墨畫金陵  
最憶西風長板橋笛床禪閣雨瀟瀟只今畫裏猶知  
處一抹寒烟似六朝

雨中遊寶石山題畫

峰搖白雨水拖藍萬木含風綠正酣記得松毛初泊  
日破船撐笠過湖南

許敬韋白下寄丙午所畫秦淮秋雨索題

六年光景未題詩畫得如塵似夢時  
斷雨濕雲休細  
看看來容易鬢成絲

瓜洲渡頭風雪欲回南岸不得

平分南北是江流南岸相期北岸留  
惟有南風吹向北為君留客醉瓜洲

汪琬 字茗文號鈍翁長洲人官翰林編修

新城王阮亭為鄆陵梁曰緝題江村讀書圖有



江花江鳥不相識，寫向丹青俱眼明。  
句因戲賦，鬢歸春江綠，樹陰幾回掩。  
卷幾沉吟，江南與汝，干何事。賦得愁心，爾許深。

姑蘇楊柳枝詞

臘盡寒威尚未消，淺黃輕碧影迢迢。  
費他烟雨知何限，只替東風染柳條。

題文與也畫

君家道韞擅才華，愛寫徐熙沒骨花。  
曾向兒時窺指訣，筆端桃李一枝斜。

題蜀岡禪知寺東坡石刻

鶴影蟬聲野徑長，髯翁遺墨冷斜陽。  
游人盡說迷樓好，誰訪殘碑到蜀岡。

吳江絕句

江上西風滿棘枝，夕陽遙暎去帆遲。  
不須便作思歸計，且為鱸魚住少時。

查慎行

字夏重海寧人官翰林編修

三月晦日飲朱十表兄槐樹斜街新寓

槐街舊與一峯鄰，酒甕重開為洗塵。  
最喜今年春帶閨，遲來猶作看花人。  
兩株桃樹手親移，紅影紛紛落酒卮。  
特與幽庭添曲



折林猗樓綫縛芭籬

曹操疑塚

分香賣履獨傷神  
歌吹聲中總帳陳  
到底不知埋骨地  
却教臺上望何人

登蕪湖浮圖

落帽家山記幾巡  
弟兄南北各傷神  
茱萸明日重陽酒  
五處登高各一人

題蔡方麓修撰早朝圖

水晶簾捲月如鉤  
侍史妝成盡下樓  
比似早朝還較早  
不教君起看梳頭

李良年

字武曾號秋錦秀水人

除夕前一日同王員外陳檢討飲汪農部邑

官閒最是汪農部  
更喜鄰家酒肯賒  
十日相逢九沉醉  
一年幽事到梅花

吳興竹枝詞

小鳳分行花葉稀  
吳紗十匹卷晴機  
為儂裁作春衫袖  
并入東風一處飛

題王咸中石塢山房圖卷

小卷薰櫳過雨痕  
山厨風味正須論  
雲芽玉板摘初罷  
恰有新泉流到門



撲水天桃紅一灣過牆鄰樹綠三間也須拚擋山房  
外添箇漁磯對鴨欄

姑蘇柳枝詞

金昌亭畔綠初勻畫檻橫斜別是春忽卷東風遮不  
往倚船人見倚樓人

聞王阮亭侍讀極賞曹玉潤綠水送春帆句賦

一絕

吟殘五字憶江津柳外風帆葉葉春可惜流傳滿都  
下不留此句贈歸人

馮班 字定遠 號鈍吟 常熟人

柳枝詞

烏帽羅衫稱少年柳陰門巷覓神仙馬蹄亂踏花街  
影不覺長條冒玉鞭

芭蕉

羅窓影動綠雲深愛得苔階片片陰昨夜亂聲珠濺  
淚曉來更展一重心

題畫

柳花飛盡綠陰濃雨到濃雲濕不飛村酒正香茅屋  
小漁翁閑却釣魚磯

雨霽



溪水溶溶拍野橋，薄雲開日露林梢。不知一夜前林  
雨多少，春泥上燕巢。

三絃

腕頭勻滑轉喉輕，出意偏多分外聲。暗向花間彈一  
曲，擬教人喚是黃鶯。

效元微之春詞

曲池烟重碧濛濛，柳拂紗窗日影紅。驚起嬌鶯啼未  
足，帶聲飛入亂花中。

山居雜興

秋氣清寒病骨知，亂蛩聲裡欲眠遲。月明半夜誰敲

戶，應是山人得好詩。

詩友經年作遠離，塵中何事得歸遲。追吟舊句中宵  
坐，木葉滿山秋雨時。

採蓮

薰風物色到池塘，競榜輕舟逐晚涼。一朵波中紅徹  
底，碧琉璃內見新粧。

雞冠

露洗風吹赤玉寒，當庭均頭錦毛攢。不知誰與安名  
字，何不呼伊作鳳冠。

閨意



燈前斜坐瘦，曉巖暗草魚。未得緘，誤拂錯刀聲。著地隔窓遙，認翦春衫。

黃任 字莘田，閩縣人，官四會知縣。

泰安道中

巖巖典則魯，千峰玉檢金泥拜。秩宗七十二君銷，歌盡夕陽驢背話東封。倡條冶葉拂瓏璫，帽影鞭絲困午風。十里棗花香不斷，行人五月出東蒙。

彭城道中

天子依然歸故鄉，大風歌罷轉蒼茫。當時何下憐功

狗，留取韓彭守四方。

昭陵石磧

際會風雲未足難，始終恩禮羨貞觀。漢家多少韓彭，將不得銘旌一字看。

七里瀧

終日嵐光溼畫幢，有時松露滴篷窗。一敲檣板千巖響，知在諸峰未出瀧。

孟家堰

草店危扶老樹，腰江頭沽酒布旗招。一帆細雨西興渡，正趁錢塘未落潮。



西湖雜書

珠襦玉匣出昭陵，杜宇斜陽不可聽。千樹桃花萬條柳，六橋無地種冬青。

西湖竹枝

畫羅紈扇總如雲，細草新泥簇蝶裙。孤憤何關兒女事，踏青爭上岳王墳。

帝邱竹枝

湘簾畫楫趁新涼，衣帶盈盈隔水香。好是一行烏桕樹，慣遮朱舫坐秋娘。

沈德潛

字確士，號歸愚，長洲人，官禮部尚書。

鶯脰湖詞

湖波起，晚風餘，一抹殘霞畫不如。傍岸漁家盡收網，綠楊深處賣銀魚。

西湖雜句

六橋楊柳眉輕煙，細雨絲絲汎畫船。乍識澹妝西子面，亂頭粗服更天然。

懷錢塘馮文子

故人久侍金鑾直，門下齊歸供奉班。垂老一官羈鄭縣，天教看遍會稽山。

懷盛青螻

青白家色句卷上



官閣依人計總非到家穩卧釣魚磯篋中一卷桃花  
紙載得巴江劍閣歸青嶼時入蜀歸

吳中權歌

鴉黃楊柳罩渙磯鴨散船從港口歸與郎鶯脰湖邊  
宿共看鴛鴦對對飛

秦淮雜詠

長板橋南舊酒樓昔年曾此記觥籌主人莫訝容顏  
老已到秦淮十度遊

西湖嬉春絕句

孤山山北妾家樓紙帳孤眠春復秋怕見石函橋外

水一湖分作兩河流

衰柳

枝頭不障月輪圓相對寒潭意惘然只恐春風太多  
事依前吹出萬條烟

移寓

屋角時聞噪晚鴉土牆一帶任周遮行人欲認詩人  
寓老樹村邊第二家

素心彷彿似南邨拄杖扶携日叩門山史茶經商榷  
了還將琴價互評論玉洲南華前輩家耕園侍御寓俱隣近

庭滿林陰借兩家一編每坐日西斜明知泥上留鴻



爪也把長鏡種杏花

春闈校士作

春闈校士遣春官奉命由來報稱難老去自憐雙眼  
謎名花恐在霧中看

棘院論文夜不眠探驪敢惜涉深淵風檐慘澹經營  
處辛苦親嘗四十年

畫菊

淡墨踈踈寫晚香此花開日即重陽東郊桃李俱前  
輩憐爾枝頭帶曉霜

蔣士銓

字心餘鉛山人官翰林編修

送饒霽南

學曙

同年北上

錦鷓相携破浪行津頭別酒亦淒清離心願作青山  
影隔斷寒江去艣聲

自題藏園圖

涼雲穿樹天將暝莫靄過風氣漸清荷葉全鋪蕉半  
展雨聲輕重最分明

響屨郎

寵到雙趺事亦新笑他褒妲尚猶入潘家蓮瓣楊家  
鞮總與西施步後塵

燕子磯書宏濟寺壁

清江色向卷上



山水爭留文字，綠脚跟猶帶九州煙。現身莫問三生事，我到人間廿四年。

題姚白河聽雨小照

懷鄉感遇，悵離群。醞釀新愁，到幾分。可惜華堂箏笛耳，秋聲如此，不曾聞。

宿程菴湖書堂不寐，題壁時菴湖赴西鄉燕席。華筵絲竹蠟堆盤，傀儡登場倚醉看。豈料空齋亂書裏，有人消受五更寒。

題豹君三小影

冷吟閒醉寂寥身，畫裡形模孰假真。自笑秋來道根

淺硯旁添坐學書人

十一月二十四日為內子生日泊京口待風感

憶

金焦兩點落船窗，空濶江天立萬樞。共聽來船說風利，南人閒坐北人忙。幾分勞瘁十分愁，銷盡朱顏病乍瘳。廿一年中半離別，相憐四十我過頭。

宿西興

故人相約翦秋鐙，畫舫烏篷碧水澄。今夜山中慈母夢，定隨游子到西興。



羅刹潮聲過耳空驛門船火夜深紅明朝去載杭州  
酒先上吳山望浙東

童墨林秀才攜画梅相訪不值書以奉酬

偶乘籃筍探春光底事歸來鼻觀香尋到龍山花不  
見那知踈影登書堂

菘竹亭晚眺

短短柴扉窄窄河流水門巷暮砧多一弓橋卧龜魚  
水時有行人倒影過

李園高詠樓銷夏

偷聲減字泛清商花氣迷離水氣涼却把游船暗留

住隔牆吹過粉痕香

陂陀展放地寬閒踈處前虛密處刪獨讓斯園稱秀  
野隔江移貯兩煙鬟

黃之雋 字石牧號唐堂華亭人官翰林編修

秋夢

夢魂不及此身閒夜夜虛無縹渺間簾竹窗紗關不  
往月中飛去月中還

半入風飄斷不連半因雨濕碎無圓人生倘欲尋佳  
夢莫近小窗風雨眠

家家秋夢鎖重樓我亦朦朧作卧遊為惡為佳分別



在可憐紅日照都休  
嗔癡諸想未成灰  
酒醒三更落燭煤  
捫得淚痕兼笑靨  
不知身自夢中回  
憶得叢殘夢幾條  
隔江人遠一絲飄  
月痕無定潮痕沒  
誰證相逢在此宵  
到處窮愁未可祛  
華胥一枕尚蘧蘧  
近來夢也容愁住  
蝶樣描來漸不如

陌上用吳越王語為起句

陌上花開緩緩歸  
歸來花氣滿羅衣  
蜜蜂忘却上衙去  
只傍美人釵側飛

嚴灘

白界青林樵路長  
縈紆如蚓入高岡  
閒雲不肯遮山脚  
露出人家竹裡墻

送春詞次陳鐘庭學士韻

多情白日引遊絲  
為覓春光駐片時  
怪煞薊門風信早  
亂紅吹過出墻枝

宿葉坊驛菜圃

生平齧盡甕壘酸  
來領儒宮首蓴盤  
猶與菜根緣未斷  
一籬風露夜深寒

予讀書賜硯樓下內云已登第作官歸矣尚為



老秀才應舉耶示之以詩

文字中間老蠹魚不因應舉上公車  
分明世載前燈火照爾紡紗儂讀書

官罷真成老秀才百城仍擁舊書堆  
細君只記無柴夜讀渴親持涼茗來

次徐今吾元夕韻

官裏華燈聚看人天邊明月淨無塵  
月光冷與燈光暖併作江南一夜春

癸丑歲暮雜吟

為客歸來歲又除一樓風日亂堆書  
連朝避債無行

處坐擁殘編埋蠹魚

洊值災荒禮數刪茅堂徒倚此身閒  
商量欲挂新年畫水墨篔簹著色山

山行

山徑踏來嫌未平旁人扶過石橋行  
松風乍靜客魚語黃葉堆邊策杖聲

諭花

風雨春城颯沓來庭花都是昔親栽  
芳心為我包藏好選個晴天緩緩開

枕上口占

清江先生集卷之二



被池不煖枕函斜氣味如僧未出家鼻觀忽聞香暗  
度銅餅小几蠟梅花

蝶菴詩為林太史賦

花影橫窓月暎幃華昏咫尺在京畿此中大有容人  
處我亦蟲天一蝶飛

題朱初晴畫野馬

神銜脫轡滾芳塵野草春風自在身只恐按圖來索  
駿黃金裝飾去馱人

月夜同耕南江佩坐澄懷堂

夜敞虛堂受月明坐深談徧客窓清驚他孔雀不成

睡踏動竹籠寒有聲

鄭燮

字克柔號板橋開化人官興化知縣

贈巨潭上人

寒烟裊裊淡孤邨一絡霜華界瓦痕睡足曉窓無一  
事滿山晴日未開門

墨磔鉛匙一兩三半恣畫意寫江南誰家絹素催人  
急先向空中作遠嵐

芭蕉

芭蕉葉葉為多情一葉繞舒一葉生自是相思抽不  
盡却教風雨怨秋聲



呈長者

御溝楊柳萬千絲，雨過烟濃嫩日遲。  
擬折一枝猶未折，罵人春燕太嬌癡。

行路難

天明始覺滿身霜，抖擻征衫曳馬韉。  
茅店暖烟嗟冷面，射人朝日出林塘。

笋竹

笋菜沿江二月新，家家厨爨剥春筠。  
此身願劈千絲篾，織就湘簾護美人。

折枝蘭

曉風含露不曾乾，誰插晶餅一箭蘭。  
好似楊妃新浴罷，薄羅裙繫怯君看。

題畫竹一竿出紙者

畫工何事好離奇，一幹掀天去不知。  
若使循循牆下立，拂雲擎日待何時。

法海寺訪仁公

樹滿空山葉滿廊，袈裟吹透北風涼。  
不知多少秋滋味，卷起湘簾問夕陽。

小廊

小廊茶熟已無烟，折取寒花瘦可憐。  
寂寂柴門秋水



澗亂鴉揉碎夕陽天

余嘗畫蘭送楊典史歸杭又十餘年過杭楊已  
下世子孫乞更畫一幅

相思無計託花魂飄入西湖叩墓門為道老夫重著  
筆依然蘭子又蘭孫

李漁 字笠翁錢塘人

山中書所見

山民習得一身慵閑卧茅龕倦倚松却把辛勤貽澗  
水不分曉夜代人春

瓶梅

膽瓶春色映樵紗一座清香數盞茶散脚道人無坐  
性閉關十日為梅花

自開化抵常山舟中即事

解纜開帆信急湍浪花飛作雨敲寒金谿一滴篙頭  
水題到常山硯未乾

從賣花者賞相橘數本約來歲償其值

蕭然不顧竈無烟仰屋惟嗟買樹錢酒貫詩逋償未  
了又拖花債到新年

西子半身像

半紙天香滿幅溫捧心餘態尚堪捫丹青不是無完



筆寫到纖腰已斷魂

鞦韆索上美人

清虛謫下本由天未了人間姁妮緣變作彩雲歸不  
去離塵幾許作飛仙

為金長真太守題畫

買山焉得米家山茅屋深藏濃霧間不用避人人不  
至讓儂消受一生閒

詩朋短鬢各蕭蕭濟勝偏空覓酒瓢為看秋山忘路  
遠松風又引度危橋

舟中題王安節畫

家住寒山過客疎一林風雨夢回初道人日課無餘  
事了却揮絃使讀書

東吳修蟾修蟾官武昌予客漢陽中有一江之

隔

江北江南喜對門遙看夜夜共芳樽却從杯底平分  
月界破中流碧一痕

有持紈素乞詩贈其居停主人者援筆立就

有客徵詩媚所親為言地主亦芳鄰不題姓字如相  
識能庶梁鴻即好人

楊守知 守次也海寧人官榆林知府



西湖竹枝

自翻黃曆揀良辰，幾日前頭約比鄰。郎自乞晴儂乞雨，要他微雨散閑人。  
烏油小轎兩肩扶，紕縵窗紗有若無。裏面看人原了了，不知人看可模糊。  
時樣梳妝出意新，鄂王墳上小逡巡。抬頭一笑匆匆去，不避生人避熟人。  
悄密行踪自戒嚴，朱藤轎子綠乘簷。輕風畢竟難防備，故揀人叢揭轎簾。  
畫舫人歸一字排，半奩春水清如揩。斜陽獨上長堤

立拾得花間小鳳釵

吳廷華

字中林，錢塘人，官中書舍人。

清流船十首

五篙何處賦招招，一片雲帆近大橋。生怕橫山溪水急，開船趁得午時潮。  
橫山橋溪水東下，船必乘潮而西，乃得濟。  
蓬如半月壓船舷，只許侏儒自在眠。桅脚開窓方尺五，居然小有洞中天。

荒村破曉一雞鳴，朝日山頭漸次明。不似惜花春起早，擁衾徐聽曼鍋聲。  
天明爨者曼鍋，舟人方起。  
不為和羹佐傅巖，何曾忘味有蘇髯。上遊玉粒成勛



換水口關頭爭食鹽上遊監價甚昂舟人多私載覓利水口設官巡查許貯食鹽五

十勛

如戟如刀千萬峰羊腸鳥道水溶溶鐵梢公自誇能事不怕峻嶒石有鋒

花猪肥肉玉如肪還買河魚一尺強菡萏灘高明日過晚來先獻九龍王舟人專祀九龍王蓋九龍灘神

鐵脚層冰未覺寒百錢水袴費艱難赤身不怕陽侯怪笑踏波濤過淺灘水袴長不滿尺入水著之

村醪無過壓茅柴秣米朝蒸甕晚開一飯便浮三大白鋪糟不待漉巾來

樵蘇水畔一舟橫留得青山客不爭柯斧滿林誰是主白雲深處聽丁丁

上水艱難千里多柴枝米粒易消磨今朝到岸多歡喜小武當山一笑過山在浦邑之南

黎士宏字媿曾長汀人官寧夏副使

閩酒曲七首

板橋官柳拂波流也勾春潮半月遊數盡紅衫分隊隊齋錢齊上謝公樓

長槍江米接隣香冬至先教辨壓房燈子才光新月好傳箋鎮重喚人嘗汀俗於冬至日戶皆造酒而鄉中有壓房種稻為珍重戴之

青白各色刀



江戶家名合卷上

經時待嘉賓  
而後發也

社前宿雨暗荆門接手東鄰隔短垣直待韓婆風力

軟一危陽鳥各寒温長汀呼冷風為韓婆風鄉人驚

也值歲暖則倒置韓婆水中謂能變寒風使其炭速

新泉短水拍香浮十斛黎香載扁舟獨讓吳兒專價

值編蒲泥印冒蘇州上杭酒之佳者曰短水猶縮水

甘冽竟能亂真矣

問分飲部酒如潮三合東坡滿一蕉讓却登壇銀海

子久安中戶注風消汀人以薄酒為見風消

曾酌當墟細鋪中高帘短柳逆糟風近無人乞雙頭

賣幾戶朱牌挂半紅土酒為雙頭其次者名半紅延

誰為狡獪試丹砂却令紅娘字酒家怪得女郎新解

事隨心亂插西三花釀家每當熟時其色變如丹

到門則然家以為吉祥之兆競挿花賞之

青百家色句卷上



清百家絕句卷中

五

清百家絕句卷中

美濃後藤機世張

賴山陽先生閱

備後橋本祥元吉輯

參河都築珠貫卿

汪膺 字元御號玉涼長洲前明舉人鈍翁之父

泛舟西湖戲訪小青舊居作二絕句

回波借影指痕鮮倩女游魂未可傳  
家是東風能寫照西冷流水斷橋烟  
濕雲如髻水如鬟處士東鄰借玉顏  
千樹梅花愁不

清百家絕句卷中



陸小青只合嫁孤山

王澤弘 字洵來黃岡人官禮部尚書

買花

賣花擔上露纔乾野老移來滿藥闌  
拋却故山花事盛翻來燕市買花看

呂潛 字半隱號石山遂寧人前明進士

江望

橫江閣外數帆檣立盡西風鬢欲霜  
只有鄉心不東去早隨烟月上瞿塘

東蔭商 字雲維華陰舉人

間居述懷

嗣宗酌酌六旬前野客思為數歲眠  
縱得中山千日醉算來猶未過三年

宋珏 字以玉莆田人前明國子生

題朱白民畫壁

來時梅瘦未成花別去垂楊金作芽  
他日相思如見畫板橋西望是吾家

杜濬 字于皇號茶村黃岡人前明貢生

閔君談水東之勝

魚愛深池鳥愛叢君談句句合幽蹤  
憑將骨與青山



擔老號詩人杜水東

劉體仁 字公誠 潁川人 官考功郎

即事

西湖小閣多延月 好友同舟半是僧 寄語江南老桑  
苧秋山紫巖憶行滕

郁植 字大本 號東堂 大倉人 諸生

讀史偶感

勛名畫室少齊肩 翻為楸房受禍偏 萬乘不能求一  
女當年最有日 碑賢

周亮工 字元亮 號樸園 金谿人 官戶部侍郎

閩茶曲

龍焙泉清氣若蘭 士人新樣小龍團 盡誇北苑聲名  
好不識源流在 建安

漚麻浥竹斬 楸欄獨有官茶例 未除消渴仙人應愛  
護 漢家舊日記乾魚

喜蔣用弢至自閩南

海水羣飛百丈高 同君城上擁弓刀 戰瘢莫共燈前  
看 恐惹霜華上鬢毛

陳廷敬 字子端 澤州人 官大學士

邯鄲道上

清百景色同長



炊熟黃梁已是遲海門歸路幾人知却憐朝市紛紛  
客怕說盧生夢醒時

陳洪綬

字章侯號老蓮諸暨人前明國子監生

憶舊

楓溪梅兩山樓醉竹塢茶香佛閣眠清福都成今日  
憶神宗皇帝太平年

彭務適

字駿孫海鹽人官吏部侍郎

嶺南竹枝

木綿花上鷓鴣啼木綿花下牽郎衣欲行未行不忍  
別落紅沒盡郎馬蹄

次蒼水扇頭韻

客中三月換春衣一問三江舊釣磯幾日西風潮正  
滿穀文深處見魚飛

張玉書

字素存丹徒人官大學士

輓馬章民年丈

辛苦中閨罷錦機白頭曾未識宮衣可憐風雨寒燈  
夢猶是書堂夜讀歸

劉獻廷

字繼莊廣陽人

王昭君

漢主曾聞殺畫師畫師何足定妍媸宮中多少如花



女不嫁單于君不知

題閨秀雪儀畫嫦娥便面

素箋招疊塗雲母黛筆清新畫月娥莫道繡奩無粉  
本朝朝鏡裏看雙螺

陳瑚字確菴號七十二潭渙父太倉人前明舉人

送王石谷

臺城秋艸暮雲殘六代興亡鷹影寒無限傷心金粉  
地憑君畫出與人看

陸宗濉字維水嘉定人

維揚舟次遇鄉人南歸

忽聽鄉音喚阿蒙月明橋畔此浮踪乘君下水歸帆  
便寄我平安第一封

陸元泓字秋玉常熟人

過河北劉賸菴先生墓

曾云歸去總天涯三尺墓墳萬古家若個年年吊寒  
食半瓢清酒滴桃花

吳綺字菌次江都人官湖州知府

入署

平明初下紫宸班錦署無營畫掩關閑拂案塵思往  
事一杯涼雪祭琳山兵部有楊繼盛題名



友人納姬戲為催粧姬汪姓南人也

蛺蝶輕羅押蒜金燈前小立倚瑤琴桃花潭水兒家住只問郎情深不深

董以寧 字友武進人

閨怨

涼蕙空繁合歡末夫婿長征妾斷腸留得當時臨別淚經年不忍浣衣裳

鄭日奎 字次公號靜菴貴溪人官戶部郎中

題畫

烟樹微茫路不分溪聲應向隔林聞獨憐遊屐無從

到閨却此中多少雲

陳恭尹 字元孝順德人

讀秦紀

謗嚴易弭怨難除秦法雖嚴亦甚疎夜半橋邊呼孺子人間猶有未燒書

潘高 字孟升金壇人

雨窻同吉人象明作

細雨絲絲濕淺沙嫩寒池閣客分茶雙扉不上鳩鳴午落盡城南山杏花

春感



江水悠悠泛畫橈，東風何處不魂消。春歸萬里無消息，又過垂楊舊板橋。

寒食

黃鴉穀穀兩踈踈，燕麥風輕上糞魚。記得去年寒食節，全家上冢泊船初。

葉燮

字星期，吳江人，知寶應縣。

梅花開到九分

亞枝低拂碧窻紗，鏤月烘霞日日加。祝汝一分留作伴，可憐處士已無家。

客發苕溪

客心如水水如愁，容易歸帆趁疾流。忽訝船窻送吳語，故山月已挂船頭。

王九齡

字子武，華亭人，官都御史。

題旅店

曉覺茅簷片月低，依稀鄉國夢中迷。世間何物催人老，半是雞聲半馬蹄。

黃始

字靜御，吳縣人。

溪西

溪西人家秋水生，孤舟常自三更行。一聲啼鳥半江月，纔到西山天欲明。



江百家類集卷中

七

張實居 字賓公鄒平人

夜雪

斗室香添小篆煙一燈靜對似枯禪忽驚夜半寒侵骨流水無聲山皓然

澹園

桃花乍放柳初生葉底春禽送好聲人在西園山翠裡斜風細雨度清明

彭而述 字子錢號禹峰鄧州人官布政使

遊筇竹寺

六詔凋殘舊戰場青山無恙一松長王孫老去僧祠

在頗耐興亡是夕陽

李基和 字協萬丹徒人

過鶴汀侍讀齋觀董文敏畫

曉雨初晴烟未收江雲一帶引輕舟模糊認得南徐樹不到家山十六秋

高珩 字念東號紫霞淄川人

寒食送人

故園小圃又東風杏子櫻桃次第紅明日春明門外路清明消遣馬蹄中

成德 字容若遼陽人官侍衛

清百歌絕句卷中



柳枝詞

池上，閉房碧樹圍簾紋如殼，上斜暉生，憎飛絮吹難定，一出紅窻，便不歸。

毛奇齡

字大可蕭山人官翰林檢討

除夕作

旅館，梅花紅欲燃，樹盤愁向客中，傳如何纔聽金雞唱，便喚今宵是客年。

潘耒

字次耕吳江人官翰林檢討

廣武

蓋世英雄項與劉，曹姦馬謖實堪羞，阮生一掬西風

淚不為前朝楚漢流

天柱峰僧餉黃獨

黃獨分來瓦鉢邊，香於紫芋大於拳，笑他懶墮渾閑事，誤却長源三十年。

邱象隨

字季貞山陽人官太子洗馬

贈程穰脩

病後相逢邗水涯，歲寒雪壓客廬斜，縱然淡盡人間事，又寫青山過酒家。

方文

字爾止號念山桐城布衣

題半山道人畫

清江秋色白

九



一着絮裝絕萬緣猶餘破研習難捐江山本是無情  
物寫到荒殘亦可憐

趙執信

字伸符益都人官贊善

詠江岸拒霜花

霜衰風翻裊裊枝可憐間淡與霜空江妃無語空含  
睇妬殺天寒獨倚時

陸叢桂

字冲默東平人官吉安府推官

馬上口占

夕陽未盡晚秋風霜氣纔深葉已紅無數溪流添夜  
雨青山一路馬鞭中

張芳

字菊人號穉菴拙叟江寧人

送正持和王西樓先輩韻

玩鞭遺跡舊曾探開府清新種髮鬢重到于湖還寄  
訊勞君餘夢度江南

陸次雲

字雲士錢塘人官江陰知縣

疑塚

疑塚累累漳水頭如山七十二高邱正平只有墳三  
尺千古安眠鸚鵡洲

詠史

儒冠儒服委邱墟文彩風流化土苴尚有陸生坑不



盡留他馬上說詩書

楊涵 字水心益都人

題自畫竹

一片青光拂碧雲，滿山秋籟有誰聞。  
小齋幾日莓苔雨，徑欲擔鉏移此君。

龐鳴 字遠公嘉定人

吳宮詞

麋廊移得苧蘿春，沈醉君王夜宴頻。  
臺畔卧薪臺上舞，可知同是不睡人。

洪昇 字昉思錢塘人上舍生

釣臺

逃却高名遠俗塵，披裘澤畔獨垂綸。  
千秋一箇劉文叔，記得微時有故人。

陳維崧 字其年宜興人官翰林檢討

小秦淮曲

思鄉渾似欲眠蠶，自入新秋百不堪。  
正是水雲寥落處，斜鋪楚簟夢江南。

祁文友 字蘭高歸珊洲東莞人官工部主事

出郭

桃花點點荻抽芽，出郭行吟到日斜。  
一夜東風吹雨



過滿江新水長魚蝦

趙俞 字文鏡嘉定人官定陶知縣

溪聲

結廬何日住深山竹月松風相對閒却笑溪聲忙底  
事奔流偏欲到人間

史申義 字蕉飲江都人官翰林編脩

朝雲墓

散盡泥金蛺蝶裊雲藍衣袖劇憐君傷心白鶴峰前  
路一樹榕陰蓋古墳

惠周惕 字元龍吳縣人密雲知縣

悼亡妾趙氏

年來無夢到彤扉卧聽三商玉漏稀記得去春風雪  
夜添香喚我着朝衣

申涵光 字和孟號鳧盟永年人

答人

日日秋陰命筍輿故入天上落雙魚荷花未老村醪  
熟為道無間作報書

徐緘 字伯調山陰人

鏡湖竹枝

水田衣袂道人妝持偈從教月滿牀沈水自薰檀供

清百家絕句卷中



佛無人知得兩般香

鄂爾泰

字毅菴奉天人官大學士

將出都赴滇却寄吳中諸老友

尺書裁罷又重拈細字旁添手自緘此去滇陽真萬里夢魂不易到江南

汪繹

字東山常熟人官翰林脩撰

田家樂

短籬矮屋板橋西十畝桑陰接稻畦滿眼兒孫滿簷日飯香時節午雞啼

柳枝詞

一種風流得自持水村天與好蕭支月殘風曉無窮意說與桃花總不知

徐永宣

字學人武進人進士

秋日訪朱錫鬯先生

沈尤邛僻絕塵寰千个篔簹水一灣學道著書無箇事滿庭黃葉對秋山

王粲

字安節金陵人

閑居

虛牕吮筆臨秋水葭莢蒼蒼冷到天為愛芙蓉江水好小亭長伴鷺絲眠

清百水色句卷中



清百家絕句卷中

嚴繩孫 字孫友無錫人官中允

湖上竹枝詞

隄邊肺口水如羅，月滿風生相應歌。但得歡情似湖水，更無時少更無多。

贈顧舍人

瞳瞳曉日鳳城開，纔是仙郎下直回。絳蠟未消封詔罷，滿身清露落宮槐。

陸韜 字亦岸山陰人

白雲

白雲縷縷青山出，雲自忙時山自閒。唯有野人忙不

了朝朝洗硯，寫雲山。

顧陳垆 字玉傳太倉人

硯

端谿誰割紫雲腴，萬古文心向此摠。小點墨池成巨浪，就中飛出吐渙魚。

劉孔和 字節之長山人

題趙吳興調琴啜茗圖

秋宮肅肅古衣裳，靜女無愁黛亦蒼。不點踈螢和月色，絹頭已作百年涼。

徐夜 字東癡新城人縣學生

清百家絕句卷中



春詞

青入緗鈎深復深非關社日亦停鍼明朝撲蝶南園  
會預辨釵頭鬪草金

吳燮 字天章蒲州人

題倪雲林秋山圖

經營慘澹意如何渺渺秋山遠遠波豈但穠華謝  
李空林黃葉亦無多

汪天與 字蒼亭歙縣人官刑部郎中

題雪莊和小照

雪莊開士居雲舫三十餘年不下山何事塵緣消未

盡尚留面目在人間

儲雄文 字汜雲空興人進士

有訪

未遇幽人又獨還貪看落日立溪灣隔溪幾處炊烟  
動遮斷寒林數重山

林章 字初文閩人進士

送人

不待東風不待潮渡江十里九停橈不知今夜秦淮  
水送到揚州第幾橋

計默 字希深吳江人



和汪鈍翁姑蘇揚柳枝詞

紅橋綺陌柳陰濃，歷亂飛花類轉蓬。  
怪殺前山女貞樹，能禁二十四番風。  
去年折騰復依依，贏得江頭紫燕飛。  
委屬東風與將護，一枝留待藁砧歸。

湯準 字穉平睢州人

桃源

栽桑便是羲皇世，智慧相忘息衆喧。  
能使此心無魏晉，寰中處處是桃源。

蔣廷鑑 字律先吳縣人諸生

感舊

習靜長翻般若經，每依月觀與風亭。  
自從環珮無消息，蒼馬丁冬不忍聽。

沈受宏 字台臣太倉人歲貢生

同錢太史泛舟東湖座有女郎湘烟戲題

酒綠燈青夜語中，家鄉同隔海雲東。  
傷心一種天涯客，卿是飛花我斷蓬。

送春

客舍長安十丈塵，閉門終日苦吟身。  
一花一草何曾見，却道今朝是送春。



沈紹姬 字香巖錢塘人

詠古

為報韓仇奮一椎，副車雖誤亦雄哉。淮陰也是韓王，後何用當時躡足來。

吳之振 字孟舉名門人

飲含山泉戲答太冲先生

讓水貪泉總一流，筆端何用占先頭。塵沙變換誰爭得，老眼模糊望九州。

乞蘭

不同杜老乞花栽，擬借盆蘭伴老梅。等待花餘將結

子扶疎新綠送君回

以元人集易鼓峰宮盤

草獸宮盤樣亦奇，殘書十冊換應回。君方槩几研朱處，我正爐煙嬾篆時。

李必恒 字百藥高郵人邑廩生

吳門徐昭法先生畫芝

壘坳輪囷態最工，披圖謾謾起清風。定知崖畔叢三秀，不在祥符萬本中。

張大受 字日容嘉定人官翰林檢討

題徐大臨湖鄉小景

青百家色句卷中



鳥背嵐光過夕汀，碎萍魚唼水花腥。青山一角湖三面，記是塘西乙未亭。

山居

愛看支硎一角，山何妨身卧。薜蘿間峰頭片片秋雲，白不礙虛亭鶴往還。

王圖炳 字麟照華亭人官詹事

渡江

雲自孤飛月自明，蒲帆十幅翦江行。君聽濁浪金焦外，淘盡英雄是此聲。

許廷鏢 字子遜長洲人官武平知縣

題畫菊

芳菲過眼已成空，寂寞籬邊見幾叢。顏色祇從霜後好，不知人世有春風。

錢良擇 字玉友常熟人

得劍村寄懷詩次韻答之

亦知信美非我土，誰說狂夫不憶家。昨夜客窗風雪裡，夢歸山館種梅花。

蔣錫震 字契潛宜興人

冬夜宿野人家，床無幃幕屋破而多風，取積草障之，乃戲曰：此汝家草屏風也。索句遂題。



不藉蘧蔭自作扁避風應笑肉為屏似渠雅製誰空  
稱合號乾坤一草亭

徐夔 字龍友長洲人廩生

秦淮雜詩

半山堂屋草萋迷介甫聲華認舊蹊欲紀元豐天子  
聖天津橋上杜鵑啼

張安紘 字琴父烏程人

送燕

節屆秋分社事忙送君前路入蒼茫年年不作無家  
別半在他鄉半故鄉

葉舒璐 字景鴻吳江人歲貢生

索得學山兄遺稿

忘年羣從絕追攀入夢遺容想像間秃筆纍纍猶作  
冢可堪埋骨欠青山

索入題照

鐵乳流光露電身靈臺本合淨根塵君能索我形骸  
外翻覺廬山面目真

張篤慶 字歷友淄川人

鄧艾廟

奇兵未扼一丸泥繇竹懸軍萬仞梯奄忽當塗更典



午翻嫌多事，鄧征西。

程簡 字尊一長洲人

冬夜讀書

讀書有味聊忘老，放翁此意誰云唯。放翁今古英雄

當末路，消磨歲月短檠中。

錢錦城 字鏡先常熟人牧齋之子

席上詠物分得橘

丹實離離間碧林，千頭聲價重南金。踰淮若改平生質，孤負當年作頌心。

安期 字亦生無錫人

流螢詞

熠熠流光漾水烟，池亭兩歇晚涼天。西風吹墮紅蕖裡，照見鴛鴦自在眠。

周天藻 字披之吳江人

題劔南集後

歸老雲門著句多，往年豪氣未消磨。杜陵集裏收京詠，垂老懸懸望兩河。

馬長海 字滙川遼陽人

讀陶詩

處士胸中別有春，田園寄託寫天真。羲熙尚有關心

清江雜錄



事豈便羲皇以上人

張光啟 字元明章丘人

對菊

種菊叢叢傍石根  
凌晨坐卧近黃昏  
沽來新釀經秋  
醉開盡寒花未出門

傅辰 字彤巨新城人

柳枝詞

垂金小篆不曾為  
葉葉紛披撇與波  
截柳編蒲無用  
處祇傳新樣似元和  
尤怡 字在京長洲人布衣

白秋海棠

誰將清淚灑幽墀  
散作瑤華別有姿  
寂寂是玉人腸斷  
後淡妝無語背人時

先著 字遷夫瀘州人

贈海雲子

相逢炎月亦蕭森  
來處家鄉是古斟  
與論山川幾人  
物仕秦王猛亦何心  
壽光即古斟國景畧縣人

病起截句之一

移植甘蕉為綠陰  
經年長大已成林  
天寒霜落休輕  
剪恐有秋來未死心



舒瞻 字雲亭滿州人浙江知縣

為朱蘊千題杏花春兩圖

淺深春色幾枝含翠影紅香半欲酣  
簾外輕陰人未起賣花聲裡夢江南

阮葵生 字吾山山陽人官刑部尚書

黃廷齡來京師携贈河魴賦謝

泥淖朝驅秃尾驢歸來磅礴掩蝸廬  
故人忽自江頭至携得春溪玳瑁魚

重碧親浮藥玉舡蒿青苕白佐賓筵  
桃花春水袁江路孤負風光又五年

遠心長日繞菰蒲鄉味朝來潤客厨  
爛醉苦教防後墨與君數典誦吳都

清百家絕句卷中



清百家絕句卷下

美濃後藤機世張

賴山陽先生閱

日向甲斐楨士幹

輯

陸奧奧田珽雙玉

姜實節

字學在萊陽人

繡谷堂中牡丹今歲惟開一枝楊子鶴馬扶義

徐采若登目存上人各為作圖王石谷補一

石余為題句

四人分寫一花枝寫出傳看朶朶奇恰似蘭亭摹搨



本淺深肥瘦各相宜

白頭公鳥

霜鬢逢春可自由，老人端的為多愁。不知小鳥緣何事，也向花前白了頭。

題黃鶴山樵聽雨樓卷

湖天過雨水冥冥，吹綠東風草一汀。絕似銅阬橋上望，遠山如髮向人青。

題簪花圖

六年前見傾城色，猶是雲英未嫁身。今日相逢重問姓，座中愁殺白頭人。

方肇夔 字引諧江都人諸生

客中送春

記得離家是首春，與春相伴走風塵。而今杜宇頻頻喚，半餞春歸半勸人。

桃花塢弔唐六如墓

先生胸次海天寬，只愛桃花不愛官。荒土一杯魂魄在，滿溪紅雨落春寒。

高士奇 字澹人號江村錢塘人官翰林編修

清涼山雜詩

紫府仙山實與區，長松鬱鬱壑爭趨。興來那得勾龍

清涼山雜詩



爽重寫峯巒入畫圖勾龍爽有蜀府仙山圖載宣和畫譜  
野波瀾漫一望迷漁莊蟹舍接通隄遠天雲樹熹微  
裡只少樓臺似浙西

朱瑄字樞巨吳縣人

祖龍引

徐市樓船竟不還祖龍旋已葬驪山瓊田倘致長生  
草眼見諸侯盡入關

漢宮詞

閨苑瑤池路邈然廷靈高築迓羣仙豈知待詔金門  
客偷墜塵寰十八年

姚世鈺字玉裁歸安人諸生

哭女

十歲言詩有性靈木蘭愛說替耶征黃泉不是黃河  
水聞否耶孃喚女聲

盛錦字庭堅吳縣人諸生

別家人

伏雌烹罷勸加餐秉燭喃喃語夜闌點檢篋中裘葛  
具預知別後寄衣難

汪俊字籲三長洲人官醴泉知縣

袁墓

清江表色句



香雲漠漠雪飄飄積翠層嵐近可招猶記玉堂春夜  
夢短蓬斜繫甬山橋

朱受新 字念祖吳縣人諸生

春鶯曲

千門春靜落紅香宛轉鶯聲隱綠楊任爾樓頭啼曉  
兩美人夢已到漁陽

何其偉 字梧子號鼎石閩人

黃文森內人吳氏死烈亂中余內為存其鏡貽  
詩一首歸之

尚有菱花不減輝新妝幾度拭羅衣雖然無復嫦娥

影不似他家破月歸

沉用濟 字方舟錢塘人國子生

筍溝早發

北風獵獵水茫茫多謝吳門鼓棹孃鐵鹿長檣四千  
里送人夫婿早還鄉

權歌

風江潮動月茫茫懊藹聲中夜未央南北東西盡蓮  
葉不知魚戲在何方

虎邱山塘有白傅舊堤其碑為居民埋匿汪松  
蘿掘得之

清江雜錄



片石苔封閱歲華，憑君磨洗認龍蛇。從今覓得春風路，送與吳娘踏落花。

杭世駿 字大宗歸董浦仁和人

寓法海佛寺

生世應居善法堂，秋龕燈火自燒香。天花不共春爭發，冷落維摩舊道場。  
額上輕黃唾未乾，酒邊微暈畫應難。寒花一稜秋暎裏，和雨和風盡日看。

贈盲女王三姑

檀槽圓股曉生寒，也學曹剛左手彈。眾裡自嫌衰太

甚幸無老態，被卿看。

劉潢 字企三吳縣人諸生

石湖秋泛

說虜盟鷗跡有無，淳熙翰墨半模糊。祇應十里烟波色，天與詩人作畫圖。

括州寄內

鶯語蕭寥愴客魂，傳來錦字拭淚痕。江南別後春如許，細雨蘼蕪綠到門。

顧宗泰 字景嶽元和縣人諸生

海棠詞

清百景絕句卷下



花信傳芳到亞枝，香霏閣上坐題詩。媽紅不借緗桃，  
麗自向春風染蠟脂。

松陵道中

一生雅愛水雲區，小艇常携笠澤書。此事李鷹還讓  
我不須秋老憶鱸魚。

施朝幹 字鐵如儀徵人官禮部主事

晚入山東界

山通青兗晚陰陰，却望鄉關烟水深。舟子不須輕解  
纜，今宵猶得聽南音。

范雲鵬 字凌蒼寶山人諸生

梁溪道中雜咏

吳榜夜雨響刁騷，行與鄰舟趁晚潮。明日秦淮同作  
客，謝公埭下話通宵。

懷鄰舟諸君

打頭風急浪花麤，小市維舟挈玉壺。買得高橋魚數  
尾，儘拚夜雨灑菰蒲。

贈吳丹山

絕藝君家推道子，坡公漫以畫工論。後來能事得真  
意，維也空留好手痕。  
揮毫戲賦憐余拙，澀墨承恩羨汝榮。十載江南好風  
景，一時領畧屬關荆。



徐薌坡

字蒼林青浦人諸生

八冊道中

沿隄新漲兩闌珊  
葉葉春衫試薄寒  
一擢白蘋風裡  
過種菱人語淺沙灘

吳淞雜咏

晚潮新長綠苔磯  
撲鹿沙禽接翅飛  
兩岸荻蘆秋瑟  
瑟蠓蘆漁火夜深微

同曹播刪宿蘆花庵

旗檀香細博山添  
蓮漏沉沉響夜籤  
一覺東華塵土  
夢長明燈下讀楞嚴

任大椿

字幼植興化人舉人

當壚曲

繡軸銀鞍滿洛城  
當壚空抱惜春情  
東風斜過小垂  
手忽落玉搔頭有聲

諸廷槐

字殿掄嘉定人諸生

閱宋高宗本紀

大同歸後南宮住  
蜀道回時西內居  
十二金牌天上  
至却愁此日返鑾輿

明妃曲

娥眉宛轉欲銷魂  
一曲琵琶雙泪痕  
不到陰山水雪

清言家絕句



地那知永巷是君恩

王廷諤 字鷄起嘉定人諸生

燕子磯

臨風巨翅欲孤飛  
俯瞰滄濤激石磯  
只恐圖南真得  
訣收帆難認舊鳥衣

秋日山塘雜詠

幾層雲碓復風帘  
七里行來遠不嫌  
斟酌橋西泊船  
處塔燈紅點照山尖

王元勳 字叔華嘉定人國子監生

題宣和畫鷹

一繫雙絛健翮收  
羽毛如雪迥含愁  
獸肥草淺寒雲  
濶回首中原萬里秋

題張叔寶畫竹

翠筠粉節雨中垂  
薄霧輕烟晚欲迷  
依約繫船湘水  
曲蕭蕭岩畔兩三枝

王鳴盛 字鳳喈嘉定人

春日寓舍雜題

六枳編成池上籬  
小桃勻注淡燕脂  
朝來幾點催花  
雨愁到春寒病酒時  
迢迢繡陌趁初晴  
新燕參差宿蝶輕  
鬪草踏青兒女

清江雜詠



路風光容易到清明

吳泰來 字企晉長洲人

陸機宅

五茸城外水雲微，故里無人弔陸機。  
解道尊絲勝羊酪，如何不共步兵歸。

題西湖陳莊壁

一葉蜻蜓似缺瓜，年年盪漿水雲涯。  
叉魚射鴨嬌無力，笑入南湖摘藕花。

黃文蓮 字芳亭上海人

寄內

落花飛絮渺愁余，雙鯉遙傳尺素書。  
吟到香閨腸斷句，小樓紅雨燕來初。

來詩云芳草綠波人別後小樓紅雨燕來初

旅夜

春明門外草芊芊，愁絕春風過禁煙。  
聽遍小樓連夜雨，明朝又上潞河船。

趙文拾 字升之上海人

題余澹心板橋雜誌

板橋花柳散寒烟，人影衣香總可憐。  
不是東京孟元老，何人還續夢華編。

尋半山堂遺址

清江雜錄



社宇天津事偶然元豐詩句至今傳定林西去秋山  
好愛爾騎驢日晏眠

錢大昕 字曉徵嘉定人

憶內

折枝花淺縠紋疎屈戌終朝掩玉除一剪微風梳鬢  
影滿庭疎柳納涼時

曹仁希 字未殷嘉定人

山塘雜詩

娟娟風露轉蓮更翠箔銀燈一桁明聽到紫簫吹入  
破玉羅窗外月初生

李繩 字綿百長洲舉人

紅橋次蘭浦韻

殘荷幾柄露盈盈乍覺涼颼扇底生一種唱情消不  
得聲聲絃拍獨分明

登蘇堤酒家樓

樹色湖光二月初牕檐真是酒人居橋頭遊屐閒中  
憇篔簹開蓋好鱸魚

姜宸熙 字檢芝烏程人

瀕村消暑雜咏

買得清流白板船風燈水榻苦流連南來屈指天中



節蓬底驚看月又圓

千樹柔條漾水濱綠陰深伴苦吟身劇憐天末鄉音

斷翻聽黃鸝是故人

蔡忠立 字止閻秀水人諸生

絕句

桐江水遠接清淮漢世曾傳兩釣臺國士已含鐘室恨客星肯為故人来

王廷魁 字岡齡吳縣人貢生

為家蘭泉畫三泖漁莊圖

泖湖東去碧迢迢矮屋垂楊舊板橋何日竹弓同射

鴨瓜皮艇子晚迎潮

無題

妝閣犀梳小翠翹水紋簾子映冰綃藕絲常繫蓮心苦偏使池荷着雨嬌

菜圃

新插芳園七白蔬週遭鹿眼亞籬疎晚菘早韭垂垂綠雨過閒携鷓鴣鋤

顧鴻志 字學遜蕪松人諸生

甲戌春夏之交病腫瀕死吟以自遣兼示醫者醫眩未許誇三折病臂偏憐減一分總是維摩來示

清言絕句

七



意不嫌此腹負將軍

高景光 字同春元和人諸生

石湖道中

榴放山家紅欲然嫩芽活火試新泉  
昨宵梅子黃時雨早是縹蠶颺麥風

石湖秋泛

碧羅天外襯殘霞香逗秋衫  
兔子花相約鴨城吟伴去青簾  
白舫載琵琶

廖景文 字琴學青浦人官合肥令

居庸道中悼亡為孺人賦

合昏花瓣委輕塵風雨邊城不見春  
苦憶小樓秋病起香殘粉褪寫遺真

一樹相思久欲枯三生重見總模糊  
憑他精衛能銜石填得愁心似海無

薛龍光 字少文上海人諸生

曉過三塘

山南山北霧空濛摩盪晨光颺曉風  
一葉舟輕塘七里幾家殘夢櫓聲中

王箴輿 字孟亭寶應人

歸興

請看家絕句



漫理輕裘喚小舸何緣歸興轉蕭騷老來最怕臨歧  
語燈半暗時酒半消

韻元超 字旭開金陵人進士

登石臺

短牆南畔接煙林啼罷山禽又海禽甚日晴明甚日  
雨不曾出戶不關心

夏復森 字培炳嘉興人

秦淮夏集

傍晚紛紛載酒卮有箏琶處過船遲一河風月無人  
管都付橋南楊柳枝

王陸禔 字介祉常熟人

孫園剪牡丹歸

尋春闕訪野人家扶醉歸來日未斜買得扁舟小  
葉半容人坐半容花

郭起元 字復堂閩人官盱眙令

客中秋思

銷魂何處盼仙槎客鬢逢秋白更加遙指斷橋垂柳  
崖前年曾宿那人家

許惟枚 字鉄山海寧人

和袁子才河房宴集詩 時袁許同官而袁先遷



朱簾斜捲晚風前，楊柳蕭疎隔岸烟。一樣樓臺都近水，向南明月得來先。

崔從 字殿生，閩縣人。

舟行

春到江聲掃碧天，漁船不繫入孤烟。開窗依舊山無雪，水鴨呼寒宿柳邊。

輿雨

葉香亂打冷霏霏，輿夢尋秋鴈影稀。烟雨滿谿行不了，渡頭扶傘一僧歸。

邵辰煥 錫山人。

柳枝詞

前溪煙雨後，溪晴桃葉桃根慣。送迎誰似小紅橋畔，柳繫儂畫舫。過清明。

唐相昉 蘄州人。

寓隨園

小窗閑坐夕陽斜，對此教人不憶家。喜見香荷才出水，一枝高葉一枝花。

徐天球 字天石，貴州人，官丹徒令。

風箏

誰向天邊認塞鴻，但憑一紙可騰空。任他風信東西

請百家絕句卷下

四



轉百文游絲在掌中

李琴夫 鎮江人

佛手

白葉堂前幾樹黃，摘來猶似帶新霜。自從散得天花後，空手歸來總是香。

王端揆 蘇州人

秋海棠

海棠花嫩不禁秋，小朵含烟月下愁。記得舊時庭院裏，憑人看殺只垂頭。

方蒙章

訪友

輕舟一路繞烟霞，更愛山前滿澗花。不為尋君也留住，那知花裡是君家。

張少華 吳中人

蘇堤

沙棠銜尾按箏琶，鄰舫停橈靜不譁。雲母牕中雙鬢影，亭亭低映小紅紗。

張若駒 桐城人徵士

五月九日舟中偶成

水窗晴掩日光高，河上風寒正長潮。忽忽夢回憶家

清百文游絲在掌中



事女兒生日是今朝

張葯齋 桐城人廷玉之弟

題三妹澄碧樓

小軒近對碧波澄，隔着踈楊喚欲應。最好淡雲微月，夜半簾相望讀書燈。

王安崑 字平圃

買竹

南郊過雨綠生香，底事勞人買竹忙。我一出城君入市，兩邊風味各分嘗。

陳元孝

題畫

深山深處有人爭，擬寄閒身畫裡行。日掩柴門無箇事，碧溪寒葉一聲聲。

郭希聲

紙窓

偏空酥壁稱閒情，白似溪雲薄似雲。不是野人嫌月色，免教風弄讀書燈。

無名氏

中秋對月

隔籬呼酒來烹芋，又恐鄰家索酒錢。不若與妻商確



定閉門推出月還天

無名氏

題淮北旌舍壁

橫笛何人夜倚樓，小庭月色近中秋。  
涼風吹墮雙梧影，滿地碧雲如水流。  
渺渺孤城白水環，舳舻人語夕陽間。  
林梢一抹青如畫，知是淮流轉處山。

李植 朝鮮人

泊漢江

春風急水下，輕艫朝發驪陽暮。  
漢江篙子熟眠雙櫂。

靜青山無數過船窓

王慧 字蘭韻太倉人 以下閨秀

閨怨

輕寒薄暖暮春天，小立閒庭待燕還。  
一縷柳花飛不定，和風搭在繡床前。

宿田家偶見粘牕破紙，乃韓偓香奩詩，惜而賦

絕句

麗情佳句有誰知，瞥見牕前字半欹。  
為惜風流埋沒甚，自携紅燭拂蛛絲。

畢著 字韜文歙縣人崑山王聖開妻



村居

席門閒傍水之涯夫壻安貧不作家明日斷炊何暇  
問且携鴉糞種梅花

吳絹 字素公長洲人常熟進士許瑤妻

楊柳枝詞

宮柳初開一抹看武昌城下乍逢時春來樹樹烟條  
綠欲認何枝是舊枝  
寒食東風已滿城小枝纖弱拂啼鶯東君不借離人  
苦又向前年折處生

詠古

公子翩翩信絕倫擬將豪舉卻狂秦不知賓客成何  
事枉向樓頭斬美人

龐畹 字小宛吳江人吳鏘妻

瑣窓雜事

春雨春寒送落梅連宵不禁晚風催閉園收拾殘花  
片供得兒曹醜面來

張令儀 字采嘉桐城人姚湘門妻

病中口占

珍重餘生劫後身卻憐孤負一分春殷勤好與東風  
約留取餘花待病人



清百家類編卷下

黃媛介

字皆令未中人

自畫山水寄王漁洋先生

懶登高閣望青山，愧我年來學閉關。  
澹墨遙傳縹緲意，孤峰只在有無間。

張學典

字古政太原人

感已姊舊居

繡網蛛絲鏡滿塵，閒花狼籍不知春。  
添愁怕見梁間燕，猶是呢喃覓主人。

張凌仙

字學舄吳縣沈某妻  
早寡守節

歲暮感懷

燈前課子誦芸編，百事縈心逼歲闌。  
泉路十年音信斷，空山風雪一家寒。

汪靜宜

字稚嫻劉公戡姬

憶鄉

六月高風振海吹，遙遙親舍白雲陔。  
誰知天上芳菲淚，濕却新愁似斷絲。

彭氏

鄧州人禹峯女

惜香橙

幾經剪拂始成林，夏晚移床就綠陰。  
却怪一朝風雪惡，惜香空負十年心。

清百家類編卷下



陳珮 字懷玉天長人江賓谷妻

哭程夫人

忽駕青鸞返碧虛  
瓊花吹折痛何如  
修文應是才人  
盡徵到姮娥  
舊侍書

方京 字彩林番禺人廣文金純妻

示長媳楊珊珊

十年為婦夢我餘  
疏水家風樂自如  
宛似舉場勤苦  
士妝成惟對古人書

吳巽 字道嫻嘉興人鄭聯妻

癸丑秋陳妾得舉一子時壻年四旬矣誌喜

窮薄還憑世澤存  
朝來弧矢喜懸門  
翻嗟姑舅先朝  
露未得生前一弄孫

毛秀惠 字山輝太倉人諸生王懷妻

乙卯秋外赴金陵省試不售詩以慰之

重陽風雨滯幽齋  
失意人難作遣懷  
籬菊已花還覓  
醉便須沽酒拔金釵

金順 字德人吳縣人中書汪曾裕妻

題管夫人畫竹

墨妙由来數仲姬  
閨房靜對寫風枝  
玉孫若解凌霜  
節合署鷗波老畫師



超一子 廣陵殷氏女早寡學道

看花

土來澆灌水來栽顛倒工夫任我來滿院春風花自  
語不將顏色向人開

黃湫畹 字紉佩莘田女

題杏花雙燕圖

艷陽天氣試輕衫媚紫嬌紅正鬪酣記得春明池館  
靜落花風裏話呢喃

胡慎容 字玉亭山陰人

女郎詞

相呼同伴到簾幃偷看新來客是誰又恐被人先瞥  
見却從紈扇隙中窺

序慎儀 字采齋玉亭妹

早起

一番花信五更風那管春宵夢未終起傍芳叢頻檢  
點夜來曾否損深紅

方氏

題自畫牡丹

菊瘦蘭貧植謝家愧無春色繪年華剗來井底胭脂  
水學畫人間富貴花



陶姬 蕪州人袁枚侍兒

無題

新年無處不張燈，笙鼓元宵響沸騰。惟有學吟人愛靜，小樓坐看月高升。

徐裕馨

即景

讀罷黃庭卷，懶開靜中消息費。推裁吹燈欲禁花，留影剛捲珠簾月。又來

陳長生

春曉

翠幕沈沈不上鉤，曉來怕看落花稠。紙窗一線橫斜裂，又放春風入畫樓。

寄外

頻年心事託冰紈，絮語煩君仔細看。莫道閨中兒女少，燈前也解憶長安。

成鷺 字跡刪番禹人 以下緇流

讀宋史偶筆

從來吾道本虛公，雒蜀何因有異同。端禮門前書姓氏，原來都在黨人中。

止崑 字豁堂仁和人



月下由御教場下投淨慈宿朗公房  
御教場中月直時下山全不道歸遲三松影落半湖  
水一路沿鐘到淨慈

熊中行將西粵間道還楚索筆題此

人家竹樹渺茫間浦淑林巒不記灣安得帆隨湘勢  
轉為君九面寫衡山

戲酬友人惠日鑄茶

數日春遊徧若耶入城滿面是煙霞正愁仙福難消  
受又喫人間御貢茶

赤壁

扁舟絕壁醉西風千古雄雌在眼中欲得周郎重回  
顧銅絃鐵板唱江東

性休字尺木前明宗室之後

渙父圖

東西南北任遨遊萬里長江一葉舟夢裏不知身是  
客醒來大地忽新秋

元璟字借山平湖人

盧溝橋

日色纔分萬眾囂黃塵漠漠馬蹄驕題詩笑問桑乾  
水曾有閑人過此橋



馬家山

山脚山腰盡白雲晴香蒸處晝氤氳天公領畧詩人意不遣花開到十分

題畫

春浦風生柳岸斜好山何處著人家白雲遮斷橋西路不許漁郎問落花

元祚字木文雲夢人西洞庭山寺住持

寄高澹游

賣盡青山說買山高年正好學偷閒洞庭儘有梅花屋何不携家住此間

素枚字子中

乞假歸要留別諸同年

還鄉非耀錦衣鮮為賦房中樂一篇慚愧少年貧裡過玉堂春在洞房先

輅辭鴛鴦舊班行且逐簫聲引鳳皇世殺蘭臺一枝筆半修眉史半催粧

兒時釣戈武林城此去書窓月尚明只恐香閨纓絡動轉疑鈴索響西清

多感群仙送暮雲真珠密字贈紛紛明年定步花磚早代聽鷄鳴有細君

催粧原二

清百家絕句補遺



春明池上綠衣郎，曾被紅裙看欲狂。今日月宮真个到，金蓮圍住合歡床。

西施

吳王亡國為傾城，越女如苧受重名。妾自承恩人報怨，捧心為覺不分明。

秦淮雜詩原五

春風無力酒旗低，十幅湘簾一剪齊。遮莫遊魚吹雪上琵琶，聲急水亭西。

家々脂粉墜殘紅，數眉痕學遠峰。水為情多流不去，秋來更長芙蓉。

楊花曲七章河南道上作

清明三月洛陽堤，滿路楊花踏作泥。一片春痕萬重雪，有人迎著上遼西。

飛花偏繞紫遊韁，輕似吳綿淡似霜。那有閑情管離別，自家離別一春忙。

茸端晴雪下多天，舞罷珍珠掃作烟。一種深情天怕管，狂風吹斷又纏綿。

蕭々落日點蒼苔，歌罷銅鞮玉笛哀。畫出春如遊蕩子，風斜雨細不歸來。

相對茫茫我欲愁，蕭郎新典唱涼州。江南此際珠簾亂，難免飛花入畫樓。

寄聰娘原四

清百家絕句補遺



尋常並坐猶嫌遠今日分飛竟半年知否蕭郎如斷鴈  
風飄兩泊灞橋邊

馬嵬

莫唱當年長恨歌人間亦自有銀河石壕邨裡夫妻別  
淚比長生殿上多

再題馬嵬驛原二

到底君王負舊盟江山情重美人輕玉環領略夫妻別  
從此人間不再生

山居絕句

草々亭臺布置餘今年真箇愛吾廬牙籤都放西廊去自  
有斜陽來曝書

穿林繞磴問桑麻空翠無聲染素紗  
半粘竹粉半松花

長風高閣易生秋客散青天酒未收  
一齊排著使人愁

青蘆菜々動春潮堤上楊花帶雪飄  
碧天如水一枝蕭

讀書鎮日為書忙別有清眸一寸光  
三分周孔二分莊

萬重寒翠盪空明一面紅牆不成丈  
中我自有長城

客愁此日正長途萬里歸來猿鶴呼  
松濤聲作雨



尚疑飄泊在江湖

消夏詩十二首書扇寄何孝廉

日暮空堂蝙蝠飛  
涼吹上艾荷衣  
斑姬團扇情難捨  
翻勸秋風緩日歸

閑寫五絕句

何須橘叟問滄桑  
何必窓鷄話短長  
两个文禽學人語  
金衣公子雪衣娘

一樓書卷萬花熏  
靜柴門自策勳  
寄語公卿休利啄  
名山高不借青雲

春日雜詩

千枝紅雨萬重烟  
畫出詩人得意天  
山上春雲如我懶

日高猶宿翠微巔

清明連日雨  
蕭蕭首送春  
痕上鵲巢明月  
有情還約我  
夜來相見杏花梢

袖拂孤雲理素琴  
那知門外落花深  
山人不飲河東酒  
只要君王賜茯苓

答人問隨園

一房才畢一房生  
鎮日房中屈曲行  
窓外風聲簾外雨  
主人只是不分明

此外經營力不支  
儘將隙地變荷池  
有時瀑布空堂走  
臥著匡床理釣絲

溪流橋去板橋分  
不住幽人只住雲  
六角松亭半山望  
丹



生一福李將軍

烟波深處置輕航，掠水穿雲意自將。憑著春風吹上下，料應流不到他鄉。

節母詩為淮南陶太守作太守名易，文登人。母呂氏，寡居。易以從子嗣家，故貧也。冒雪採薪為柘枿。

所成指血岑之然夜輒煨芋魁。誘易讀書，易貴後收其事索詩。

原六

烏啼月落夜窓空，親授兒書讀未終。試看採薪風雪裡，阿娘手爪為誰紅。

鄰家聞有賣兒人，施与裙釵替贖身。誰道梅花風骨冷，一重冰雪一重春。

兒今五馬領淮南，望見蹲鴟淚便含。記得當年煨蘊火，膝前賜与十分甘。

梅軒一稔之中，驟遷觀察，再遷方伯，索詩為賀。

原六

更喜新衙接舊衙，半條街近好移家。官遷真個鶯遷似，只隔一牆紅杏花。

謁岳王墓作十五絕句

靈旗風捲陣雲涼，萬里長城一夜霜。天意小朝廷已定，那容公作郭汾陽。

不依古法但橫行，自有雲雷繞膝生。我論文章公論戰，千秋一樣鬪心兵。

湖上襍詩

月明如水浸沙隄，上游行一杖携。惹得家僮沒處尋，夜深生斲楊西。



桃枝欲落香難尋人為來遲惜不禁我道此來遲更好  
想花心比見花深

烟霞石屋兩竿章渡水穿花趁夕陽萬片綠雲春一點  
布裙紅出採茶娘

春宵知是可憐宵柳下呼舟月下搖消受水晶宮世界  
四更猶有滿湖簫

冷泉亭上草如茵鎮日看泉々滿身天竺過門偏不入  
觀音應不惱詩人

風嶺高登演武臺排衙石上大風來錢王英武康王弱  
一樣江山兩樣才

桐江作

桐江春水綠如油兩岸青山送客舟  
分明山色近杭州

南薰亭

翠竹清沙水數灣高臺參錯白雲間  
不圖桂嶺叢蘿處也

新正十一日還山

香雪階前撲面飛喜從香裏  
不為梅老尚不歸

從綿津至顧州儲潭得絕句五首

漁翁底事不歸家細雨濛々立淺沙  
怕魚驚竿不動

清百家絕句補遺



趙真字雲北

閱史戲作

閒翻青史坐涼宵  
項刻興衰閱幾朝  
寸燭未殘千載過  
先生笑比爛柯樵

題蔣心餘歸舟安穩圖

桃符貼浪物垂隄  
一葉歸舟老幼齊  
難得全家總高致

介之稚母伯鸞專周中太夫人嫂夫人及諸郎咸集

題春山仙奕圖

局中冥劫正勞神  
早有閒觀局外身  
袖手不來輕下子  
爛柯人乃是仙人

扁邱絕句

捨宅玉珣築梵宮  
千年變作綺羅叢  
他風流甚身在  
煙花不識中

暮鳥啼處客歸遲  
畫舫前頭月似眉  
殘醉倚舷簾半捲  
家々水閣上燈時

漁涼

夜深歸去就橫陳  
一語應添笑柄新  
我比齊人有妻妾  
專房偏寵竹夫人

漁翁

網得修鱗佐晚炊  
小舟如葉夜歸遲  
一天明月秋江上  
可惜漁翁不作詩

寓高聞歌

清百家絕句補遺



比鄰歌管出樓臺此老蕭<sup>病</sup>獨引杯明月不嫌茅屋陋  
夜深一樣上窗來

授衣

九月霜清木葉飛例修敝褐禦寒威笑他兒女隨年長  
遞換兒衣作弟衣

論甲詩

少時學語苦難圓只道工夫半未全到老始知非力取  
三分人事七分天

詩解窮人我未空想因詩尚不曾工熊魚自笑貪心甚  
既要工詩又怕窮

自泉州至漳州道中作

閩遊未訪武夷君先踏泉南瘴海雲添得生平蛇一足  
白頭出作老參軍

堠館殘燈送馬蹄一弦海月出猶低十年高臥山中客  
重聽荒郵半夜雞

歸

屢改歸期始定期郵亭露布正班師千軍萬馬紛馳處  
一个閑人訪武夷

西湖雜詩

白蘇都向此留題二老才名自齊<sup>本</sup>不作爭墩互傾軋兩  
人各占一條隄

一杯總為歡腸留芳草年年碧似油蘇小墳連岳王墓<sup>暮</sup>



英雄兒女各千秋

野步

峭寒催換木棉裘倚杖郊原作近游最是秋風管閑事  
紅池楓葉白入頭

京口晤夢樓聽其雛姬度曲即事

廿載清高禮仙香翻將禪悅寄紅粧始知十六天魔舞  
別是僧家一道場

笑我家貧赤脚多那能百琲買青娥鄭康成婢香山姬  
只解吟詩不解歌

遊金陵雜詩

名帝墳門奉石壇隨園夢舉欲留餐靈山五百阿羅漢

一个觀音請客難

子才招飲余以其容多故不赴

真州蕭娘製糕餅最有名人呼為蕭美人點心子  
才以餽奇中丞寵之以詩一時傳為佳話余亦作

六絕句

帶得脂香價復高一奩粉餌入風騷美人手段才人筆

補出劉郎九白糕

已是徐娘半老時

年已五

芳名猶重美人貽不知年少當

爐日幾許游人妬餅師

一枝成家勤費游遂憑食譜姓名留蘇東坡肉眉公餅  
此女公然另出頭

揚州觀劇



故事何須出史編，  
稽小說易喧闐。  
武松打虎崑崙犬，  
直與閑張一樣傳。

一燈

出身早脫子衿青，  
堪笑丹鉛尚不停。  
頭白一燈孤館裏，  
世三部史十三經。

庫館新頒舊五  
代史遂成廿三史

高旻寺鑑公房夜看牡丹戲書

一枝濃艷倚禪房，  
銀燭高烧照滿廊。  
我欲嚇他禪定破，  
老僧深夜對紅粧。

松坪招同葉生栢秀才高詠樓看荷花五首

延緣一棹過紅橋，  
早有荷香陣陣飄。  
鮮華船郎不煩囑，  
但花多處便停橈。

子才以雙湖太守禁妓作詩好之，戲題其後。

八十衰翁已白紛，  
惜花心在趣逾殷。  
哥舒半段槍芒敵，  
專救人間娘子軍。

巧為蛾眉作主張，  
一言感煞衆紅粧。  
知君九十開筵日，  
定有湘蘭百妓觴。

二月十日寓高前，  
牡丹纔試一花次。  
日半開者數朵，  
十二日曉村大守。  
讌東浦藩伯湛露，  
廉使極高觀察於此，  
則百朵竟放矣。  
以後士女遊觀，  
連日雜沓，雜記以詩，  
節一

此行專結牡丹綠，  
繭栗催開七日妍。  
看到落紅吾亦去，  
人言薄倖杜樊川。



西湖寓樓即事 節二

遊船可數楫前過占得湖樓俯綠波但我見人々不見  
碧欄干外綠楊多

人心趨處仙曾靈祈雨祈晴有必應柏燭檀香三竺路  
十觀音養百千僧

牡丹將開作布幔護之戲題

老去風情尚易撩護花心力費連朝一棚布幔當金屋  
慚愧書生貯阿嬌

蜂蝶

一様

是誰送信洩春魂惹得偷香賊滿園貪花輕薄性  
強暴蝶温存

遊焦山至揚州途中雜詩 原三

洞庭遊了又焦山更指揚州寶塔灣老去翻成游蕩子  
蘭橈一月不曾開

五更不寐

星斗闌干月下絃沉沉柳鼓夜如年老人夢醒荒雞叫  
窓外窗中兩不眠

厲鶚字太鴻

春寒

漫脫春衣浣酒紅江南三月最多風梨花雪後酥醺骨  
人在重簾淺夢中

贈韓文自為

清百家絕句補遺



金粟風流久絕羣  
弁陽今復見夫君  
梨花萬樹營生壙  
自說佗時葬白雲

題秋玉洞庭詩卷後

自古浮天兩洞庭  
千年詞客幾揚舲  
愛君淡著有聲畫  
收拾秋光補水經

歸舟江行望燕子磯作

石勢渾如掠水飛  
漁罾絕壁挂清暉  
俯江亭上何人坐  
看我扁舟望翠微

午日淮陰城北觀競渡

驚飛沙鳥兩相呼  
鏡鼓緣流引客娛  
不分午風涼似水  
為侘兒女鮑釵符

古教鸚鵡催看龍舟獨後來卻与此作並有風逐

蓮坡餞予竹間樓張燈看月

燈映迴廊月上樓  
交光特為故人留  
空庭荇藻浮沉影  
襯出紅蓮竹外秋

兩後同蔚洲登大觀樓望隔江山色

一片闌外帆  
夕外山藏雨  
秋翠忽飛來  
都染瓜州樹

湖樓題壁

水落山寒處處盈  
記踏春朱闌  
今已朽况倚闌人

嚴遂成

安肅道中

水齏菜畦香  
塢如龍臥  
夕陽高柳亂  
蟬風不住

清百家絕句補遺



殘聲或過浣衣塘  
浣衣塘孟姜女

有感題泊頭壁

離人夜上潞河船  
燕子差池小雨天  
春盡綠楊風落絮  
淒迷七十二沽煙

為劉生敬敷題琴心中斷詩

枯桐掛壁澁秋芳  
蓋篋曾衣甌  
為埃忍聽孤兒垂淚問  
孀何處去幾時回  
愈淡愈悲

懷樸庭信都

別來風物又清和  
夢遶東南路不多  
一夜雨聲吹到曉  
草痕青過葛柴坡  
好句吟成全不覺力  
真得唐人句趣

題暉壽平畫秋荷

殘紅敗綠化為煙  
一柱亭亭立鷺拳  
六段秋水夢  
恍疑撐出板頭船

題小南軒壁

三面開窓不向西  
半弓割取作花畦  
曉來一雨活新竹  
便有水蟲清夜啼

聞墨莊主人吹笛

一聲入破決雲層  
蕭寺閒愁寄老僧  
彷彿秦淮人定後  
月明如水滿船燈

鸕鷀灘  
嚴陵賴亦有  
灘名鸕鷀

釣臺倒臥鏡空明  
猶記彎環七里程  
一夜鸕鷀灘上  
泊曉煙啼徹畫眉聲



舟過平望

載將歸夢上輕橈，烟合重湖對影遙。  
白鷺一聲天下曉，衝魚飛過畫簷楊。

王又曾

字受銘

又号丁辛夜屋

臨平道中看白荷花同朱冰壑陳漁所二首

船窗六扇拓銀紗，倚棹風前正落霞。  
依約灘涼月曠但，聞花氣不看花。  
臯亭來往省年時，香飲連筒醉不辭。  
莫怪花容渾似雪，看花人亦鬢成絲。

秦淮絕句

齊梁豔質化榛邱，掩袂離聲一夕休。  
高蓋殘鐘百八乳

亂雲遮斷景陽樓

亂扇桃花細字明，黑頭江令見須驚。  
瓊枝玉對根長在

觸著東風會卻生

瓊枝玉對根長在  
妙如新對是舊詞頭用得

上巳日雨中重過煙雨樓

十日不出花又殘，尖風密雨作春寒。  
暗中似水流年逝，卻被垂楊冷眼看。

過湖上風甚不果泛舟，沿錢塘門至錢王祠望湖

中桃巷

今年東風太早計，正月已催黃鳥鳴。  
紅得桃花遠如許，更將底物作清明。

柳邊花下馬輕跑，瞥地紅梢更綠梢。  
可惜湖船風太急



不然搖到晚鐘敲

汎舟秦淮遂入青溪一曲得絕句

不雨不晴天最佳一盞深綠古銅指多情桃葉渡頭水  
半是青谿半是淮

水邊樓上意都灰慵殺重簾午夢回便說阿春能看客

簷前鸚鵡莫相猜侯鯖錄晁次庸薄游南京有懊惱水邊樓上時句

翠襟低拂尋芳燕紅板斜通宛轉橋阿春看客見幽怪錄可是却生才地薄

烟波一曲便迴橈看知僧施當汎舟青溪九曲一曲賦一詩今城中惟存一曲遠舊內南經淮清橋與清淮合

解脫詞和寶意

渡江雙槳轉頭非一笑迎來又送歸淮水甘傳半九月

照人同夢照分飛楊枝且作三年遺 柳葉終世 笑迎寶意舊作也

秦淮歌席翫月達曙即送董會嘉蜀

冰絲續々且休彈其奈尊前蜀道難明日酒醒君已去

秋風殘對秣陵寒唐

登琵琶亭

誰問霓裳與六么江頭衝曉一停橈羅裙酒浣青衫淚

并作潯陽昨夜潮即點染白傳歌行語入詞乃自有此新聲

江行

江上文人空復期蘆花如雪覆蘆漪江波流盡千年事

明月白鷗都不知

子夜歌

為郎理寶瑟一絃彈一音絃多音響雜儂只一條心

清百家絕句補遺



河漢不可航。兩心願為一促織。鳴寒當終夜不成匹。  
飛蛾觸蛛網。暗地空牽纏。皎月照枯池。分明不見蓮。

錢載字坤一 號槿石

少司寇公。攜汝恭從叔及載。至海鹽。舟經半羅嶼。  
城。相景言情。檢得范石湖詩。選田園雜興。用韻分  
賦。

花事纔過二月頭。短筇攜我上扁舟。買將燕菊隨臺菜。  
春味今年傍故邱。

樹々鵝黃岸々晴。鴨桃花外夕陽凝。等閒綠遍船頭水。  
隱歲曾來記打冰。

風順齊言路不長。船人手裏過茶湯。聽公商略明朝事。

合進執王廟口香

漁家螺蜆應時。何處茅柴酒最清。背指句胫橋一曲。

鄭墳東角是均城

王叔明一梧軒

上方。莊吳權題之。溪上茅屋。碧梧幽。湘簾薄暮。宿雨收。疎窗相對。

涼意稍々靜不收。阿誰卷幔假山幽。荷池漲綠平橋水。

落盡桐花過麥秋

幽景可掬 風調亦佳

憶西湖

睿事番々過。盛年段家橋。憶題箋。羨擁燕子歸來雨。

臺榭花落後烟

觀褚中令臨蘭亭序第十九本墨蹟。

記來枯樹賦相同。逸態橫生駘宕中。誰是鑒書元博士。



色綾重認洛陽宮

次韻寄答德州沉倅天基。去年留別之作。二首。

萬里歸來有鬢華。三秋京國對霜葩。不辭渤海還為吏，也勝群柯更學家。

小橋深巷首相過。辛苦蟲皆食蕞。何容易尊前成破涕。江國舊雨已無多。

題畫。哭邵侍讀副宋。并序。

侍讀嘗屬為書冊。去秋以病歸太倉。闕然未及還。而今秋計至。檢冊心傷。乃雜寫得蘭柳菊蕓丁香紫藤白蘋梅松。輒各系詩。累欲莫釋。仍寄其孤復於惟次。

畫出癯仙大好看。行來矯々珮珊珊。為山雪照一輪月。著箇梅花寒不寒。

道人漫打午時鐘。香繞幡幢倚一筇。昨借同人為位法源寺如意寮哭之遲我

瓶中樽白酒。為君墓上種青松。

觀王文簡公所題馬士英畫。

王師南下不多年。司理揚州句為傳。落盡春燈飛却燕。江山如畫々依然。

出東林六七里。望廬山。

連峰出雲々半開。奔渠捲雪響春雷。雲中屈曲明如玉。都是天池頂瀉來。遠見瀑布而作四句。一氣貫注神來之筆。

橫塘曲



吹瘦門前對秋鶯坐夢中橫塘雨猶可不顧橫塘風

吳錫麒字聖微號穀人

硯雨楊丈自三塔歸畫梅數十幀以其一貽余且曰不可無詠因作二絕句報之

君家畫梅楊補之君家畫竹梅沙彌晴梢雨葉無人會奉教村梅見此枝

枝々不用寫橫斜為文花光秀對遮不到皋亭人不識月明如雪々如花

江上

湍急灘鳴過釣臺臨江幾戶竹扉開楓人老作重綸長一樹紅衣入畫來

為家思高題錢蔣力畫竹二首

宣武坊南夢去遲美人風雨動相思一枝醉竹淋漓在如見鬢翁被酒時

經營老屋隔溪隈贖箇貓頭記手栽惱我竹枝歌不得梅花深雪墓門哀

漁父詞

江潮初漲山月沉半夜驚舟船楓樹陰留裏不知何調苦大道人立老執吟

靈隱寺中

一峰高處白雲低人到雲中路已迷衣上不禁秋色冷猿聲啼過夕陽西



消寒絕句原六

濕絮濛濛白戰天，忍寒不肯裹衾眠。  
破裘補綴十斤重，壓倒詩人山字肩。

泛舟至丁家山觀荷值雨原四

群峰如畫照船頭，歸去閒雲白似鷗。  
波面為荷喧已定，夕陽草語一蟬秋。

柳風吹縹碧，琉璃湖口漾。雨脚垂涼殺，風標兩公子。  
荷花十里洗頭時。

高郵

山抹微雲秦學士，蕪門誰與敵。才名吳郡我欲羨，高唱三十六湖煙月生。

七夕雨原四

黃昏簷際送潺湲，入耳如聞響珮環。  
天上也吟神女賦，催教暮雨到人間。  
鵲羽沾濡候渡河，張々惜々夜如何。  
明朝驗取悽惶淚，灑向牽牛花上多。

鳳城新年詞原四

牡丹纔坼帶朝酣，桃萼旋舒笑口含。  
到看唐花香一色，幾人紅雨夢江南。

揚州春遊絕句二首

十年重覓玉人簫，九曲闌前一艣搖。  
花底燈船花上月，泥人光景是紅橋。



衣香人動相思司李揚州絕句詩名向明湖賦秋柳  
人生最好治春時

雨邱

雨氣消沉鶴市荒東風容易九迴腸真娘墓上年々板  
畫了春愁如夕陽原三

熱河雜詩原十六首

月黑腥風一道衝路旁吹折幾枝松明朝好試飛鎗手

一路寒山躡雨蹤

蒙古謂雨為巴爾河今承德府屬境內之山多有名巴爾  
圖以多雨得名每歲駐蹕山莊乃命虎鎗人殺雨

嶺冠峰在承德府南形如崑崙覆頂土人以雲氣散聚占晴雨之  
驗五指山在承德府東南五峯峭壁儼如五指雙塔山在喀喇河也  
東北大小二峯矗立百餘丈如宰堵波高下相亞共一峰中間三孔  
表裏通明

右注文衍

舟中雜詩原六

六朝遺蛻悶諸俊々口荒憐閃々燈睨我松人如鬼醜  
夜深蒼髮立鬢鬢

度江詞原二

蕭々楓葉滿江秋忽聽清歌唱遠遊一片愁心無處託  
隨潮今夜向瓜州

雨中過雷塘二首

寂寞荒溝細水流獨行吟到畫中秋不堪殘柳絲々外  
猶有青旗舊酒樓

鐘聲遠寺隔蒼茫滅沒寒葦一徑荒落葉也隨人意遠  
秋風秋雨過雷塘



秦淮遇趙新溪司馬

尋思難得一逢君，忽又津頭袂乍分。三十六湖煙月白

照伊寒柳落紛紛。

妙嚴公<sub>王</sub>禮仙甄 原三

宮粧卸却事精修，一片陶甄跌印留。猶想花龕頂禮日

滿林黃葉磬初秋。

咏日南園雜詠 原八

倚過闌干水欲風，黃昏吹散霧濛濛。柳陰明處無多地

月在波行直上空。

二十四<sub>日</sub>出錢唐門訪洪稚存楊蓉裳郭頻伽於

話經精舍不值過崇文書院晤陳古華茶話值雨

而還得詩六首 節二

考旗斜抽水楊偏門口，誰來繫釣船。浙風蘆風人不見

一蓑閒裏瓶酒眠。

石燈花兩峭寒生隱々，松關佛火明清梵。不聞門已掩

鈿蛙猶學木魚聲。

題張韵仙昂蓉湖祕草 原四

咫尺紅牆隔絳河，不關天上易風波。驚才絕艷人難見

惹起荒唐雲雨多。

題鄭維宗城念橋讀書圖 原二

白雲剩在夕陽西，老屋扶疎認故棲。榜上清霜橋下水

十分寒徹夜烏啼。



簡舒古廡紹言

君居我東望見我家樹三日春兩深相思落花聲

釣雪臺

釣雪人不見釣雪臺可尋梅花吹凍浦寒透老魚心

秋冷閣

高閣坐斜陽吟聲出紅對不放詩人歸白雲攔去路

奔牛道中

暝色前山來平林織煙縷荒草長于牧兒臥秋雨

李繩

字綿百一  
字勉伯

楓橋夜泊

又復匆匆賦遠征烏啼霜月苦為情寺鐘漁火楓橋泊

已是思家第一程

京口曉渡

蕭々荻葦響汀洲霜柝猶鳴古渡頭一枕江聲殘夢醒

好攜明月到揚州

趙北口感舊

鷓絃紅袖幾相招賭酒旗其短夢遙唯有垂楊舊時種

煙絲長傍十三橋

歸舟口號

濛々雨氣冷侵衣遙指吳江舊釣磯一路鶉鴉啼不住

亂桑影裏片帆歸

雨中過秀州

清百家絕句補遺



樓外湖波枕碧空，魚莊蟹舍岸西東。一聲欸乃知何處，棹入迷濛烟雨中。

題畫

亭空何所有，蕭疎竹與石。溪雲淡不流，唯見秋山碧。

姜宸熙 辨字檢校

舟山春望

深竹蕭々繞院門，短筇拄雨上松根。梨花春望皆荒路，山裏白雲山外村。

礪村消暑雜咏

千對柔條漾水濱，綠陰深伴苦吟身。劇憐天末鄉音斷，翻聽黃鸝是故人。

複中

漁童叫賣鯁魚肥，我亦時時坐釣磯。忽憶家山西塞好，斜風細雨綠蓑衣。

秋日泛舟松陵訪仲履純

秋晨訪故人，短棹一洄溯。遥邛晚照間，黃葉江南路。

田家

沙田勤耨耕，茅屋炊午餉。積雨滯深林，荒烟濕不上。

一線泉

龍潭破餘潤，一線懸秋古。萬古滴不斷，高下聲玲瓏。

蔡忠立 字金蘭

絕句

桐江水遠接清淮，漢世曾傳兩釣臺。國士已含鐘室恨，

清百家絕句補遺



九星肯為故人来

夏日雜賦 原五

栽松種竹藝桑麻老梅村邊第一家有客南來知近事  
龍山聞盡白蓮花

閒身祇合住林泉山史茶經手一編向晚磯頭看不盡

白鷗飛破綠溪烟

白蘋洲上夕陽低釣艇歸來繫柳堤買得鱸魚愁惆悵  
吾家舊在泖湖西

子夜歌 原二

窻中木葉聲夜半西風惡待郎久不來可詔燈花落

王廷魁 字同齡一字盤溪

壽筆驛

議

駐軍荒驛筆能壽將略休輕武侯若使滑川星未隕銅  
臺應是泚宮秋

桓温

十萬雄師擁入秦可兒才略自超倫閑中漫說何豪傑  
失却當前捫蝨人

虞美人

低翻翠袖曲欄東舞節依然按楚宮夜帳歌殘人去後  
年年紅雨泣春風

寫贈行因送金韵言孝廉之閩中

此去關河渡遠航津亭柳色半青黃愁心寫寄秋江月

清百家絕句補遺



一路隨君到鳳洋

張夢喈

字鳳子  
號玉壘

習之聽泉圖

山空樹古境蕭森石罅清  
泉似琴借問愛聽緣底事  
要從流水證文心

鄧尉觀梅雜詠原六

十里尋芳興太癡山邛徑僻步遲々  
相逢野老天机妙  
笑指潭西一詠詩

時問潭西路幾許一負擔者云  
詩有遠望潭西十里程句

姑蘇

顧鴻志之詩也誤此

虎踞空山霸業收茫茫吳越幾春秋  
屬鏐鋒下英雄死  
水到胥江似不流

顧鴻志

字學遜

姑蘇

翠羽明璫何處尋千秋芳草遍紅心  
葦蘿寂寞春無之  
落月蘇臺一片陰

高景光

字同春

趙北口

碧湖如鏡影迢々西岩人家間柳條  
略似鱸鄉亭畔路  
夕陽秋水小紅橋

蘇臺揚柳枝

又值春風二月時  
鴨城南北綠絲々  
東君有意添惆悵  
特遣長條縮別離



寒景文檀園琴學別號

登橫雲風滿樓

飛泉曲磴樹蒼々，何處平原舊草堂。獨倚危欄望秋色，半巖黃葉下斜陽。

自題小青遺真記

桃花艷影暗生春，一幅生綃畫美人。粉本飄零誰省識，恰憑情女為傳神。

津門舟次

繞堤新柳影鬢々，春水桃花瀉碧潭。欸乃一聲烟外櫓，夢魂悄恍到江南。

青龍江

百戰樓船畫角昏，空江何處弔征魂。夕陽慘淡荒城路，黃葉西風滄瀆邨。

石湖

狎鷗亭對暮山昏，東國詩人尚尚魂。吟到梅花春思遠，一聲欸乃水雲村。

山塘

粟苓巖押水牕昏，喚起真娘窈窕魂。最好蒨裙三月節，短簫吹過湧錫邨。

海湧峯

講臺月落定鐘昏，印徹三生石上魂。七寶幻成香世界，雨花山寺賣花村。

清百家絕句補遺



西湖

魚鱗雲起浪花昏  
一水盈盈雨子魂  
鏡裏曉粧空翠乳  
六橋烟柳小江村

孤山

鐘敲薄暝昏後昏  
鶴去誰招歸來魂  
雪聲雲斷不知處  
遠山一角梅苔邨

秦淮

珠箔銀屏掩映屏  
崔徽畫裏倩懷魂  
六朝春色烟波外  
夾岸濃花淡柳村

桃葉渡

打槳春潮晚渡昏  
青溪遙揖小姑魂  
笛簫柱燈船客

夢斷垂楊烏夜村

蕃釐觀

二分眉影月微昏  
仙觀猶埋瓊對魂  
太息雷塘三尺土  
白楊衰草不成村

平山堂

太守留題古墨昏  
千秋餘韻沁神昏  
遠山如睡垂楊亞  
綠到江南烟雨邨

雨後

水氣濛濛淡不收  
暮烟如織點蘆洲  
砧聲帶濕隨風度  
敲破江南九月秋



季瑜弼揖山樓

仲冬九日舟次揚州閔不帆招同錢太守沈進

士振鵬徐秀才寶璿潘秀才途元席上觀樂伎原二

紅粉珠簾幕府開當年小杜困清才平生不作樊川夢  
領取簫聲月色來

次韻 汪劍潭

玉釵初卸小橫枝春意酥融到四肢殘月曉風眠不  
得有人低唱柳塘詞

次洪禪存亮吉孝廉寒食憶舊遊元韻

花前傾倒一千卮正是江南三月時忽憶舊遊如昨夢  
寫將愁緒比蠶絲

似水年華去不回每逢冷節一低徊客窗半枕梨花月  
幾見閩河入夢來

有東原三

楊柳千絲白下門沉沉簾幙月黃昏與君一別真如兩  
認取青衫舊淚痕

寒食日借蕭百步返耐山園居小飲菜根軒

楊柳風前不肯眠名家桃李孰爭先深紅淺白春波綠  
照澈曼陀花雨天

曉起見海棠一株感賦原四

卷簾消息香難聞西北樓高暮雲生怕別離滋味苦  
花開一度一思君



牡丹原四

九霞光爛碧雲邊  
甲帳橫陳散紫烟  
何物狂奴太唐突  
却將富貴比神仙

送春

池塘小立聽鶯  
禽簾外紅欄  
綠影深百計留春  
春不住方知無用是黃金  
芳草天涯去路遙  
送春何處不魂消  
燕愁鶯悶人  
中酒一霎繁華見六朝

蠟梅

涼月橫枝護曲欄  
不分南北總迎寒  
東皇怕漏春消息  
密遣司花報一丸

元夕

雪泥鴻爪散雲烟  
寂寞滄江又一年  
記得懷州古風月  
竹燈影裏出秋千

春暮次韻

原六

乍晴乍雨薄寒天  
憔悴幽居惜盛年  
明月暫圓花暫好  
誤他輕擲買春錢

遊絲天外怕沾泥  
著水浮萍東復西  
夢雨傷春人中酒  
落花曾語聽鶯啼

亞字紅闌酣綠亭  
池塘波縵亂繁星  
憐伊芳草無情思  
願作輕羅扇底螢

新聲譜出恨來遲  
十載尋芳鬢已絲  
錯怨狂風催綠葉



樊川原不算情癡

離菊

寄身籬下耐寒天，雪虐霜殘豔欲然。一个靈均一元亮，此花端不受他憐。

吳存楷題硯壽堂

西湖嬉春詞

花能索笑柳能扶，儘教檀郎倚玉奴。見說西湖似西子，不知西子似儂無。

畫舫簫鼓載斜陽，歸去紅樓更洗妝。留得粉雲脂雨在，一湖春水半湖香。

秋窗即事

西風蓮浦蛩衣冷，夜雨蘆花鷺足拳。料理明朝作秋禊，暗門催喚檝頭舡。  
唱到屯田柳七詞，碧梧紅豆盡相思。夜來一覺揚州夢，日滿西窓睡起遲。  
疎柳寒蟬泣雨絲，秋懷長弱謝芳姿。為嫌團扇如秋月，添畫雲階挂一枝。

鑑湖舟中

沙頭約瑟喚輕艘，鳥窮橫遮畫槽雙。一路東風鷓鴣子，叫將春夢落篷牕。  
松門曬網認漁家，水浸籬根一老斜。誰寫折枝新畫本，黃鸝飛上碧桃花。



題洛浦仙裳橫卷

冰綃一尺翦風漪吹入金烟度  
孤遲蘭苑采香何處見  
水仙王廟月斜時  
小步凌波憶玉鉤方空紗縠不勝秋  
銀塘喚醒鴛鴦夢  
一瓣零紅滿鏡愁

西湖柳枝詞

家住西湖西復西  
冷橋外柳含黃  
廿端展出新眉樣  
惹得雙蛾不齊  
十三樓上曉鉤幾對  
新裁碧玉尖瘦却楚腰  
春不管又描纖影入冰匳  
跪地長條映碧濤  
沿山翠幄已成陰  
多情綰箇同心結

蘇小門前綠更深

閩鄉感度太子事

高臺灑淚落湖東  
千古傷心思子宮  
却恨當時無四皓  
小車丞相竟何功

馬嵬

繡嶺荒涼掩夕曛  
返魂香不到秋墳  
玉環自應羅衣識  
何事君王怨六軍

斷香零粉半模糊  
羅襪生塵淚眼枯  
銜塊乞恩緣底事  
九朵能見壽王尊

磻溪

綠坡新漲石樓西  
水面菰蒲綠未齊  
拋却釣竿無用處



一天風雨過，  
溪

郭外即事

隔岸雲深夕照斜，  
晚煙多處認山家。  
棠梨落盡春風老，  
吹出半村菜蕨花。

秦淮雜詩

秦淮打槳續清游，  
舊院難尋十六樓。  
剩有南朝歌譜在，  
箏弦依約按梁州。  
綠波分影艷晴霞，  
手帕邀來姊妹家。  
絕似傾脂河畔水，  
滿城流出退紅花。  
板橋閒駛七香車，  
水軟山溫畫不如。  
幾樹蕭蕭白門柳，  
癡情還憶老尚書。

歸途即事

黃鸝紅藥認山家，  
獨對村邊野徑斜。  
一種穠春誰管領，  
可憐漂泊是楊花。

金陵鎖院戲柬同校諸君

天紅紫忽紛羅，  
刺眼春光瞥眼過。  
一樣東風簾底急，  
兒家門巷落花多。  
記曾辛苦繡鴛鴦，  
半載拋鍼事已忘。  
只怪阿婆金線好，  
嫁衣終日為之忙。

為方枋邨題美人香奩冊

鏡臺分影暈紅脂，  
想見添芽嫩葉時。  
消受春風窗裏，  
年年空谷繫相思。



當筵婀娜足消魂肯惜青衫污酒痕玉留新翻畫蘭曲  
柳邨端不讓梅村梅邨多為名心

題洗硯圖

洗硯不引天池水一擔水直三銅錢世無真手敵真硯  
敗筆殘煤俱可憐

姑溪雨泊

雨聲粗似急春潮淺汊新添水半篙一點寒烟蓑笠影  
石撐撐出釣船高

春日田家雜興

散學歸來日下春柳陰簇立聚村童攤書解識之無  
字畢竟聰水勝乃翁

石湖曲

茶磨山前灣復灣胥塘水合勢如環扁舟載得烟鬟重  
一角撐迎雨後山

採蓮徑裏繫烏篷無數蜻蜓立晚風贏得詩人倍惆悵  
半湖斜日蕪花紅

吳槎客

名騫號拜經樓又号

張芑堂明經寫柳陰垂釣圖見贈原二

虹橋秋柳自蕭疎著個烟波舊釣徒別有高懷誰會得  
青山搖落雁聲孤

宿報國院

月影斜侵薜荔牆鐘聲遠出雲廊二分烟水三分樹



併借西窗五月涼

送呂耕山表兄歸教浦

學得成連海上琴可能斯世有知音一朝長酒東歸去  
九十九峯烟雨深

皋亭觀競渡示祝雨亭原四

榴花如煞石榴裙人影衣香兩岸分曲港裁收鷺鶴隊  
前溪又試絕流軍

文漁自平江歸以水仙分餉戲酬二之節一

前身花月張三影落魄江湖未易才昨夜館娃宮畔過  
荷舟偷載藐姑來

張問陶字仲冶號

過先文端公舊第

往尋平津地望尊只今車庫亦無存疲驢破帽長安道  
誰識烏衣舊子孫

驪山雜詠

寶炬金蓮照地光山靈猶自想衣裳念奴憔悴遍年老  
誰與詩人弔夜郎

出棧

馬嘶人語亂斜陽漠々連阡水稻香送險亭邊一回首  
萬峰飛舞下陳倉

天彭井絡指螺收險語驚魂逐處留明日題詩歸夢穩  
澹烟喬木是綿州



臘月十八日出關憶內瀕行內子編以是日移  
居芙蓉西院

山川滿眼隔鄉閭西望成都思有餘翠羽夜寒棲不定  
梅花香裡夢移居  
殘年客路又逢春雪虐風寒劍外人心憶含情咏飛絮  
芙蓉小院畫簾新

清苑西郭

樓閣瓊瑰映碧虛石闌榜上碾輕車春來鷄距泉頭好  
一寸楊柳半尺魚

立秋前數日鄉思忒々連夕苦不成寐悶作小  
句排悶

青山歸夢太遙遙別館琴樽賸寂寥小窗隔簾殘暑退  
下秋日上紅蕉

兩夜不寐同燕塘

一簾疎雨夜無塵細撥琴書笑語更刪盡繁華多少夢  
五更清絕未眠人

夏末枕上聽雨戲占

夢醒渾疑枕簟清電光圓劃小窗明神龍十萬閱鱗甲  
送遍人間夜雨聲

索椒畦畫大通秋泛圖

叢蘆深柳暮蒼蒼蟹舍魚邨夾岸長好向青無跡處  
空明千里畫秋光



暫往張家灣宿潞河舟中與補之書話

錦瑟含情剩惘然數行秋柳似當年寶釵明鏡俱黃土

雲水重留一宿緣

舟已之行與周獨人同  
舟南下逾年十月悼亡

水氣侵衣未忍眠蓬窗清絕早秋天白蘋花外三更留

疑是江南鴨嘴船

陳文述號碧城字雲伯

雪中過虹橋

玲瓏玉對冷棲鴉多少紅樓近水涯一路畫簾寒不卷

隔牆香出白梅枝

秋日雨中過西華潭

西華潭路接銅街玉螭微波水一涯秋雨滿々人不見

滿隄黃葉落宮槐

空庭獨立偶書所見

秋陰如夢紫苔肥雨後新涼試袂衣墮葉無聲簾不卷

斜風滿院白蛺飛

贈如意館畫士

大毒森高牙十萬師征西諸將捷書遲凌烟有閣其上

閑煞丹青筆一枝

曉過趙北口

幾夕髡柳未垂條雙淀生煙澹不瀟霜氣欲流沙鴈語

疎星殘月十三橋

題于敏菴蘭圃彭甘其齋



殘香如夢淡冰銷想見妝成譚燕鬢  
銷魂月上海棠梢  
花落高舉怨舊根渡江桃葉感朱門  
一幅瀟湘染淚痕

旅夜不寐寄吳門

謝家池館綠陰殘竹樹蕭々  
月明先上舊闌干

峯邊水蕙花有作褪紅色者  
其下為賦詩

樽聲搖夢入蕙葭瘦影娟娟  
鏡中初試淡紅花

聞雁

下繩征雁下遙灘有鳥孤舟仰面看  
暮潮初落海門寒

烏衣故國路漫漫社燕將來祇合還  
我浮江海雨閉山

夜過松陵

澹墨香殘綠蠟銷夜天星斗共迢迢  
寂寞松陵十四橋

蔣園雜詩題小樓壁即以留別  
笛聲吹月過迴廊花影紛紛滿畫牆  
坐到疎星下樓角

綠陰如水羽衣涼



百年為木絕棲鴉不覺清陰易日斜  
松影滿池苔滿地惜無仙鶴守梅花

聞雁有懷梅庵宮保塞外

一聲嘹唳撥雲開知爾新從塞上來  
戈聲秋風青海雪征人應過白龍堆

商聲數處驚秋老殘雨滿坐夜闌瘦影一燈心  
萬里玉門關外不勝寒

秋夜江上

星影參差漢氣斜夜深殘月亦清華  
一江秋露明于玉絳緯聲涼出豆花

周采巖為余作禪悅小影題詩其後

僧樓半杵夕陽鐘夢裏南屏翠色濃  
更乞蒲團暮小於萬峰寒翠一林松

舟夜即目

哀吳清響著吳歌孤枕無聊遣睡魔  
涼露欲沾天在水水蒨花底見明河

客都下者六載到家未及兩旬即赴皖江書此志

感

風裏飛花水上萍迴腸輪轉未曾停  
關山歸後江湖去始信前身是客星

蕭娘詞

齊梁宮殿總荒基春水蘭波又一時  
六代繁華銷不盡



簫娘湖上兩絲々

將之白下留別吳門

宦興蕭條欲放鵬半生蹤跡滯江關  
尊攜苑三秋月去看金陵六代山

京口浙江入新開河

隔江秋樹有無間沙柳蕭條未可攀  
彩翠端船天一碧夕陽影裏過金山

句曲道中望茅山

絕頂宮庭向玉晨行人指點說詭君  
夕陽望天如水一縷華陽洞裡雲

鶴唳青天嶺百盤句容東去是金壇  
一從貞白先生住

滿地松風六月寒

題姚雪門媚花簫歌後原四

竊云簫為錢塘倪敬甫家所藏紫竹為之得之  
秦遊古塚中羅敷曰媚花蓋舊院詩人物也

羅裙都化彩雲飄一曲青溪舊板橋  
解與春冰添本事埋香塚裏媚花簫

紅闌水榭隔朝霞新柳當窓吐歲華  
風靜月明人不寐媚花畢竟媚荷花

與叔美別逾月矣計程當至巴陵書此奉懷三首

暮郭朝嵐第幾程江山如畫峭帆輕  
君行應過巴陵尾

清百家絕句補遺



惆悵滿四湘夜雨聲

草堂舊隱尋陶谷節屋前綠柳聲聲行到巴陵定回尋  
晚山濃處是江南

丁字巖在板橋北巖西用虞山紫雲丁字巖前是  
六朝句題壁三首第二

丁字巖前是六朝青山人遠白門蕭蕭空一樹垂  
苦為行人點畫撓

秦淮流水石城潮丁字巖前是六朝昨夜高樓誰願  
有人低唱雨瀟瀟

雨中過東花園林木蒼翠潭渚縱橫極烟水滿  
茫之致相傳是青溪九曲舊址

青山如夢吊前朝一樣興亡付寂寥幾點殘鴉画疎柳  
行人指點苑家橋

將歸吳門留別寓樓原九

仿廬幽寂暫為家破曉啼鳥薄暮物昨夜秋聲涼到枕  
臥聽湖雨滴蘋花

題潘功甫秋柳詩後原四

濃粧洗淨冷煙蕪何處紅樓憶姓蘓眉影更纖腰更瘦  
天然宜稱美人湖

題阮賜卿公子後園小曲原十

分明西子浣輕紗彷彿虞兮泣暮茄留得美人香草影  
妙蓮紅放並頭花



晚乃蓮花隄彌望皆蓮花意境清曠賦三絕句

記二節二

意少

花農清曠似漁家荷葉如田抱郭斜清游殊有味蓮花隄上見蓮花

滿身衣染妙蓮香一路輕風送曉涼絕似臨平山下男荷花世界柳絲鄉

題花影樓詞原三

枕花烟雨藕花家紅闌廿四橋幾點疎星一鉤月夜深來和玉人簫

湖上雜詩

零落芳姿盡作塵湖山春社吊花神美人已自成黄土

黃土何年更美又

龍江夜雪書寄玉徽

十年吳苑領騷壇水閣題襟感墜歡今夕龍江閣下泊一夫春雪大江寒



清百家絕句補遺



以下全て

白紙



